

廣西通志卷十五

山川

潯州府

桂平縣

附郭

思陵山在城西五里一作思靈一名西山上有三清巖三寶觀觀下左側有清泉名曰乳泉相傳唐時李御史明遠公登巖觀景遂隱形爲神潯人祈求甚驗宋時奏聞朝廷勅封西山郡主傍有一洞曰吏隱洞卽明遠公所憩處也又因宋姚坦遊於斯續呼爲姚翁巖

白石山在城南七十里自大容山發脉頓起雙峰





高聳百餘丈又一小山名曰鷺頸峰道書白石山作二十一洞天半山中石巖一穴名曰會仙巖昔勾漏令葛洪在此煉丹有丹竈煉丹泉漱玉泉初流微細擊動鐘鼓則泉湧而出遊者攀藤躡磴而上約一里許至巖前多奇花瑞草左有元珠池其水自山巔而出四時不絕聲如環珮右有石巖曰三清巖內有一洞曰勾漏洞潛通鬱林

閩石山在城北一百一十里矗立巉巖峯巒競秀如列旌旗五代時狀元梁嵩讀書巖中

寶子山在城南三十里卽寶嶺山水磊落如聚寶玉

鳳巢山在城西南五十里下有龍潭祈雨多應羅叢山卽羅叢巖在城西南六十里平地突起大巖上下四圍石壁羅列神像東有碧虛洞南有靈源洞最深者曰水月洞內有石獅石鐘石磬又有鯉魚巖通大江中多鱗集禱雨以鵝撲水其水卽長每歲九日邑人登高於此有二程讀書舊址存焉

大容山在城南一百九十里詳見梧州容縣

羅影山在城西北七十里

石鹿山在城北五十里

紫荊山在城北七十里



石梯山在城西八十里峭直如梯路通容縣

碁石山在城西北七十五里

屋厦山在城西北一百一十里

南山在城南八十里又南十里爲橫嶺

竹踏山在城東北八十里

水表山在城東五十里

雞棲山在城北八十里又十里爲吉盤山

賓山在城東五里

羅淥山在城北一百八十里卽羅淥洞

獨秀峰在城南七十里白石山側孤翠插天

雲合嶺在城南八十里高聳而秀雲合則雨

金珠嶺在城東五十五里

山鼎嶺在城東六十五里又城東北三十里有三

鼎嶺

稜層嶺在城西南七十五里路極險峻又名峻嶒

嶺

南頓嶺在城南一百二十五里

獅子岡在城西五十里又西十里有石羊山

崑崙岡卽崑山在城西北七十里

大藤峽在城北隅三十里弘石磯之下弩灘之上

北通羅淥三洞紫荆羅運等三十六巢中有七層

樓下有三妹洞武宣象州平南藤縣永安之山環



繞其外峽岸有藤大十餘圍橫生過江日沉水底  
夜浮水面渡賊而南以通龍山八寨成化間韓襄  
毅公雍統兵勦之砍其藤夜復生用穢物制之方  
斷遂服其黨易爲斷藤峽立武靖州弩碧二堡以  
鎮之後又不靖都御史陳金以魚鹽啗之稍稍受  
約束乃改爲永通峽至嘉靖間諸徭又據險爲亂  
王文成公守仁合師征之賴以安戢

潯江在府東黔水自城北鬱水自城南合流而東  
下蒼梧入於南海

繡江在城西南五十里因繡州爲名卽羅越水一  
名靈溪水湛碧如繡流入鬱江

蓬浪江在城西南三十里源出石梯羅叢二山

相思江在城東六十五里居桂平平南之界

大黃江在城東北五十里經柳州武宣弩灘而東  
流合潯江又與都耶思陵二水合亦名大隍水

南湖在城南長三里俗名結塘湖上有洲洲上舊  
有平波亭臨岸又有南浦亭郡人時乘綵舟遊賞  
其間

羅葉水在城南十里源出南頓嶺流入潯江

涿水在城東南十五里天然怪石甃其旁有巨魚  
生焉

橫眉水在城西南七十里源出鬱林州北底界流



入鬱江與貴縣分界

木瀨水在城西北九十里源出貴縣界流入鬱江  
綠水在城南十五里流入鬱江

銅鼓灘在城東一里黔鬱二水合流處水如鼓聲  
或轟轟如雷游魚皆驚懼

弩灘在縣西北當大藤峽口水湧而迅勢如發弩  
因名

碧灘在縣西北勒馬之下明成化初平藤峽於此  
置武靖州舊志府境有思傍砍石并弩灘銅鼓爲  
五灘水石險隘行者戒心

白沙灣相對塔脚三合嘴鬱水黔水至北合流

乳泉在城西門外思靈山三清巖下泉出石穴寬  
可三四尺深二尺許一泓澄清不溢不竭味淡而  
甘又名劉公泉

康濟泉在城西門外思靈山洗石菴有銘云泠泠  
聖泉淳滴迤瀾溫潔如玉芳甘如醴鮒涸可蘓疾  
病可洗

平南縣

思巖山在縣南九十里峯巒峻拔樹木蔚森連亘  
數十里山巔有石室及石臺棋局故老相傳常見  
異人遊憩鄉人禱雨輒應

燕石山在縣東南十二里山有石燕懸崖而立唐



置鷺州以此

閩石山在縣北七十里近鵬化里接桂平縣界平疇突起石峯如筍卓屏立浮丹耀碧喻霧呼雲週圍峭壁惟脚下一道可達山巔巔上另闢天地四顧蒼然呼吸可通

大峽山在縣東北十五里

鳳凰山在縣東四十里岡巒挺秀頭翅崢嶸儼然飛鳳左右兩腋有古井名龍隱廣七尺深無底四時澄湛泉甘而冽

摩雲山在縣南一百里山頂常有雲霧

暢巖山在縣西路三里離城二十里中有石門姚

郡守遊此名曰姚公巖後二程先生同遊復舊名有二程讀書處

羅運山在縣北七十餘里舊時猿巢

麒麟山在縣西七十里山岡逼肖麟形

天井山即馬鞍山在縣東北四十里井有雙魚

幞頭山在縣西南四十里

甕山在城西六十里

大水山在縣東南六十里與藤縣平羅村交界其山綿亘百餘里接連三縣密林深菁重巖邃谷爲邑要害

古嶠山在縣北四十里近接天井山



邦相山在縣南勞四里離城一百二十里

伏虎山在縣南九十里又南爲五馬山

蛇黃嶺在縣北二里嶺勢盤紆舊出蛇黃每歲九

月邑人掘深七八尺始得之大者如雞子小者類

彈丸其色紫以清水磨之可消腫毒今莫覩

撫羊嶺在縣東三十里

高妙嶺在縣西北八十里

天堂嶺在縣東北二里

飛鳳崖在縣東二十五里又東爲狀元山

高陽巖在縣南三十里高爽明豁前瞰平野與思

鵝巖對峙其陰又有胡叟巖

思鵝巖舊經謂之思鵝石或謂之鵝山狀若八角

樓明天啓末賊胡扶紀據此官軍討平之

仙臺洞在縣北一百餘里相近有花相白竹古陶

羅鳳等峒廻環相屬皆故明斷藤峽賊連結煽亂

處

烏江卽縣西半里驛側小江用小舟溯流可三四

十里至古城土人以車載貨交易於此船不能進

其源直透至烏路里八峒嵯山地面

白馬江在縣東六十里其源出狀元等山散流雞

頭全村等崗遇旱築塞灌溉田畝不則放下滙龔

江順流入梧江



相思江在縣西四十里江有小洲卽名相思洲源出麒麟山自官塘堡分港而入直通朋化內嵒春夏水漲小船可到冲塘等村

龔江在縣南門前有洲在江中日遊魚洲上接桂平貴縣之上流邕宜二江下經藤梧會灘江入東粵唐龔州以之名

白沙江在縣治東南大烏里離城四十里由武林江口小港溯流而入小船直通烏飯墟六陳墟接容縣界冬月水乾不能行

大同江在縣東北八十里江源發自內嵒灘高水湧石齒峻嶒深處有潭萬丈淺者濡足可涉舟楫

所不能施土人每以木爲舟或編竹筏網魚順流出至藤縣濛江口滙合潯梧大江

武林江在縣東三十里源出大烏里滙合潯梧

秦川河在縣東三十五里源出大桂山自川一等里流入川四里歸龔江

淶水潭在城東南三十里源出龍潭方圓十餘丈其底全石北流入江遇旱禱雨輒應

鷓鴣灘在縣西二十一里

古雍灘在縣西十五里

乾洲在縣西十里

龍隱井在縣東四十里鳳凰山麓遇旱不涸居民



往汲以資日用

貴縣

東山在縣東十五里峯巒秀峙唐時何履何光隱此山頂有石狀如二人並立傳爲何氏兄弟仙化其西北一峯望之如婦人俗呼爲新婦巖左酒瓶右鳳凰

南山在縣南十里錯綜二十四峯間蒼翠鬱映上有巖洞三門仰視垂乳萬象奇瑰旁多石竇洞中有石佛石獅石象石鯉丹竈出米洞飛來鐘等勝由東門宛轉捫蘿上絕頂有石室方丈卽宜仙洞傳爲葛洪煉丹處洞後又有白雲居振衣巖指顧

四際青山綠水碁布雙鳥之下

西山在縣西二十里峯巒奇特石筍插天上有七星巖仙女寨產方竹多躑躅花旁兩石儼如人相對而坐值風月夜每聞答歌聲後土人琢石去嘴遂息

北山在縣北二十里一名宜貴山又名北覽山瀑布千仞上盤武宣下連潯郡延袤數百里又呼龍山有茶樹土人賴之地道記曰龍山合水所出卽此馮三界嘗往此山採香遇仙成道其絕頂名平天中有巨潭昔一老採香山中偶於潭所見石壁峭立花果新鮮須臾一白龍戲水蟠繞古樹波浪



騰沸遂回復尋莫得

文筆山在縣南與南山並峙

龍巖山一名龍安巖在縣東五十里上有巨洞東西二門虛明爽塏奇花怪狀不可勝記唐宋俱有石刻字久難辨明縣尹林朝鑰刻古怪第一山於石門又邑人曾光國題東方巨觀於石

上龍巖山在縣北八十里洞口開敞中多奇石亦南山之亞

銀山在縣東北二里有石函望之如銀俗呼爲仙人函

龍影山在縣南石壁五色如龍影

鍾馗山在縣西五十里有洞石門清流環遶其下雞笑山在縣東北六十里東接石梯西接北覽一作鴉笑山

石貴山在縣西北四十里

馬嶺山在縣西北七十里一名龍馬山又名馬度山唐以前有馬嶺縣

厚祿山在縣東北九十里

銅鼓嶺縣南五十里平地突兀上有層岡人依避寇

仙女嶺在縣北七十里旁有石崖曰登仙

顯廟岡在縣北二十里吳陸績爲守時嘗登此岡



制渾天圖

金雞峽在縣西六十里相連石山直至賓州相近有獅子峽

懸象峽在縣西一百四十里

鬱江在縣南城下亦曰南江上有牛皮下有白鶴

又名紫泉如遇人才出縣尹賢則中有紫水兩派

溢流映耀如金縣人嘗候以為祥云

寶江在縣西一里一名浮江自來賓入於鬱

汎江在縣南三里又名道冲江近州城舊址下流

入鬱江

沙江在縣東七里源出龍山謝井流入於鬱

武思江在縣西六十里自合浦來流入於鬱

思微江在縣南三十里源出興業縣即西江下流

北入鬱江

橫眉江在縣東六十里自鬱林大容山來與桂平

分界入鬱江

東津江在縣東三十里即沙江分流南入鬱江

乾河在縣北四十里源出北山夏月則大水泛濫

秋冬即涸

鷓鴣溪在潯江中

將軍灘在潯江中漢馬援帥兵渡此因名

銅鼓灘在潯江中昔人於此得銅鼓因以名灘



謝公池在縣北城下唐守謝雕所鑿今名井塘上有嵯石橫嶠旁有山洲石坦如龜形

潮水泉在縣西六十里或日三四潮盈涸不時唐潮水縣以此名南漢封其神爲澄瀾公

藤梨塘在縣東山後廣數里水極深往來船渡中有小山突兀可居

廖家井在縣城北一里池中有石洲平坦其上有紫江亭今墟

谷公井在縣治東北漢刺史谷永所鑿

陸公井在縣南三里近古鬱林城怪石清流吳郡守陸績所鑿南漢乾和中劉傳古種橘井旁因名

橘井明正德間提學劉節建亭其上

瑞松井在縣東一里宋孝子梁詔居其旁廬父母墓側樹之以松時有甘露降瑞草生故名後建甘露亭

連理石井在縣南一里兩穴相連不竭不溢

嘉魚井在縣西門外泉通江出嘉魚因名今塞

司命井在縣西北半甘半淡潛通大江四時不竭合境汲飲人多者年若竭則旱

南澗井在縣西門外東有一卷石蘓東坡大書南澗二字刻石又陶商翁詩云伏泉地脉能通海疊玉山峯喜近城產魚最甘美



東井在縣東一里怪石湧出水流石底井口刻東坡書東潮二字

龍腹井又名龍床井在縣北數里井旁有石洲狀如龍如床夏月邑人常於此避暑水可深數尺歲旱禱雨輒應南漢封其神爲清源公

### 武宣縣

高立山又名獨秀山在縣北郊平阡一峯獨秀爲縣治主山上有土主廟

三台山在縣南隔河尖峯連屬疊翠凌空聳若三台爲學宮前案

魁山在儒學前隔河與三台並峙

石羊山在西鄉簞村上大河邊西岸壁上有草字六行並有石影似羊形故名

僊巖山在武賴上里巖內生有石僊人八景中所名僊巖留跡卽此

雙髻山在東鄉上里金龍山左山下有巖巖內有二謝石書案常有雲霧遮其巔二謝乃宋謝洪謝澤詳鄉賢

金龍山與雙髻山並列上有飛來古廟蒼松蒼鬱下有石崗常有霧遮其巔

文筆山在縣南峯銳上聳秀於諸山

仙人山在縣西十里唐賈山人居此上有石形如



仙人

挂榜山在縣西隔河

璞玉山在縣東

恩照山在縣南舊名相思山明萬曆中知縣衷時  
敕改名

馬鞍山在縣東一里一名雙獅山兩山相連如獅  
故名有巖深無底人不敢下巖門一石鐘懸壁卽  
名鐘巖

斷藤峽在勒馬弘石磯下詳見前桂平縣

潭江在縣西一名潯江一名柳江自象州流入東  
南下桂平水經注潭水自潭中東南與剛水合又

東南經中留縣東阿林縣西入鬱水

都泥江在縣西北五十里卽古剛水亦各大江自  
來賓縣流入合潭江

新江在縣東源出北鄉小村南流八十里出口入  
潭江又東爲陰江口源出東鄉大流村南流百餘  
里又東爲東鄉江口源出東鄉里猺地西南流經  
一百二十里並入潭江

古豪江在縣西南源出縣西二十里古豪里東南  
流入潭江又有武賴水水狹而黃源出縣西南六  
十里武賴里東流合焉

靈湖在左廂縣東靈河村由大河伏流民間採魚



不禁

桂村水在縣北二里源出縣東北桂村入潭江

南寧府

宣化縣附郭

崑崙山在城東北一百二十里孤撐巉峻設關以扼蠻峒關上有臺宋皇祐間為儂智高所據安撫使狄青破其壘大敗之

武號山在城南十里山勢雄峻拱向城郭為邕江之砥障今名五象嶺

羅山在城北二十里高擁南城低瞰北湖上有龍潭遇旱祈禱輒應飛瀑從山嶺來寺之前有澗石

畔有泉亭有飛來鐘石上有羅大仙足跡旭日朝

霞閃灼於蒼松古樹相傳晉羅秀修道於此宋陶

弼有詩

青秀山一名泰青峯在城東二十里嵯峨秀拔障

邕之水口拱揖望仙白塔古有三寺頂曰白雲石

佛石爐猶存上有仙人插劍石山腹曰萬壽臨江

日獨孤旁有擷青巖鐫陽明先生過化之地

馬退山在城北十五里勢如馬退故名舊有結茅

亭立其上唐柳宗元有碑記今圯廢

橫山在城東八十里其山高險橫截江河宋置橫

山寨市馬久廢陶弼詩句云恩浹黃農族師還左



右溪

石燕山在城東九十里傳上有石燕天將雨則飛石魚山在城西南六十里瀕左江灘下有石壁儼如魚形

聖嶺山在城西五十里峯巒秀拔雲生則雨居人每以爲驗

道人山在城東北十里形似道冠昔有人修煉於此故名

苦竹山在城北三十里山多產苦竹

都茗山在城東六十里產茶因名又有都石山亦在城東六十里滿山皆石下產竹木

鏡鉞山在城西北二十五里山下有龍潭流出大江時有烈風大雨俗傳龍歸祖

都龍山在城西北六十里蜿蜒起伏若龍狀諸山連帶隨之

公母山在城東永平寨寨今廢

思玉山在城東北六十里跨柳賓來賓界險峻難越寰宇記其山有石似玉因名思乃似之訛

五花嶺自望仙坡分支突起五堆昂伏城內外脉絡融結有如五花故名

高峯嶺在城北三十里高二百餘丈遠一十五里北界武緣縣



回龍巖在城西一百里下有龍潭巖中水甚清冽  
歲旱取水祈雨輒應

望仙坡在城東北一里與青羅二山相對宋狄青  
孫沔余靖征儂賊駐師於此陶弼建三公亭後人  
又益以馬援譚必爲五公祠後因懷忠祠圯將蘓  
緘并附焉崇正初年同知劉光宇於祠後建玉皇  
閣文昌魁星樓高聳甲於諸山

豹子石在城南十里形似豹

大江在城西南左右兩江合流左江出廣源州右  
江出義利州至合江鎮合爲一江過邕流入橫州  
號爲鬱江順流歷蒼梧至五羊城入於海

八尺江在城東南六十里源出交阯歷欽州界北  
流合於鬱江

邕江在城西南六十里源出如禾山北流入大江  
又名如禾水

星盈江在城西北十里

可攄江在城西九十里源自大明山流歷武緣至  
隆安曲流村合大江

太冲江在城東六十里流入大江寶蓋諸山村水  
多出於此

北湖在城北十里從銅鼓陂滙而爲湖宋安撫使  
顏敏德於湖作亭曰綉衣廳曰機宜今廢惟湖存



靈犀水在鬱江上流名曰靈灣傳有犀牛出其中  
鬱水一名駱越水在城西八十里合八尺邕水流  
入鬱江是爲夜郎豚水與溫水合流入江

伶俐水在城東八十里源自崑崙山流入大江經  
永淳橫州與鬱江合金城諸山竹木皆自此出

邕溪在城北十里源出四方嶺馬退山夾古邕州  
前流入大江

龍溪源出銅鼓陂匯北湖諸水夾府治上游流入  
大江

五花洲在城北湖內水中宋聶安撫築亭於上扁  
曰南州壯觀又有繁陰亭梅亭愛蓮亭熙春臺諸

勝

馬跑泉在城東十里相傳宋狄青駐師以征儂智  
高馬渴跑地泉湧故名

柳塘在城北八里內有龍窟

白龍塘城北一里在望仙坡下狄青駐師坡上見  
白羊如龍在塘故名

五花井在府治五花館下  
雙井在南寧衛內

甘泉井在府治北水味甘有寺宋陶商翁立亭於  
其側扁曰思泉

沙井在朝京門左水味甘涼清湛邕泉之最上者



右亦有泉稍不及此

高井在城東北三十里由石巖出清冽不竭

橫州

鳳凰山卽鳳凰巖在州東北四十里石壁臨江洞門瞰水入必以舟巖半有翠房前有臺中有柱如鰲足陳大綸書曰迎仙洞

古鉢山在城北七里山頂突而圓其形如鉢孟上有慈感廟腰有半山亭宋守徐安國有詩

六麼山在城北四十二里有山鳳具五彩飛則衆鳥隨之

九鳳山在城北五里古鉢山右九峯飛翥如鳳因

名

天臺山在城北八十里石頂方平羅列如臺

長寨山在城東二十里形如頓笏一名將軍山

空籠山在城東十里山半有竅東西通明昔人獲

異禽欲獻之郡至此山禽脫籠飛去故名

天窟山在城東三十里一名月林山山有二巖多

怪石鍾乳有窟通日光洞口有潭冬月出嘉魚

青旗山在城東五十里樹色蒼茂形如植旗與鳥

巒山隔江相對

龍牙山在城南五十里山有石如龍牙狀

寶華山在城南二十里時有寶氣現山巔因名泉



自山頂石槽中直下名瀑布泉山上有朝烟閣山半有應天禪寺昔建文帝雲遊寓此山中數十年人不識題寺門匾額曰萬山第一

鳴石山在城西五里山海經云長石之山洪水出焉山多鳴石卽以爲名

飛龍山在城西一百二十里昔有白龍自山飛去因名下有飛龍水

九珠山在城西五里古鉢山左九峯聯絡如珠故名

綠礬山在城西六十里江北多產綠石下有綠礬泉

羅蠶山在城東北二十里平地突起如蠶形

震龍山在城東北一百里峭崿入雲爲橫淳賓貴諸山之望頂有潭山水湧出相傳蛟龍所居

東山在城東南八十里障州下流綿亘百里多樟木武流水出此

秀林山在城西南十里以林木鬱秀而名一名盛山並峙者曰筆架山

大路山在城西二十里盤鬱萬丈多竹木路通永淳

聖山在城西北四十里大路山北一名大瓠山其旁爲仙女山盤鬱數百丈



米岵山在城北四十里俗名尖谷稍北爲六麼山  
魚梁山在城東二十里

母珠山在城東四十里有十二靈泉

長旗山在城東二十里

定祥山在城東五十里石峯森列又東爲暗羅山

又東爲雲表山又南五里爲大嵐山重巒磅礴三

十餘里至古江口

那陽山在城東十里

烏蠻山在城東北六十里下爲烏蠻灘其麓有伏

波廟

逗口山在城西南一百里與靈山接界兩崖逗合

中通一路僅容一人經行以山產荳蔻又名荳蔻

山其相連者曰茶山皆林木稠密

北山在城北負郭如炭舊有報恩寺

天馬山在城南二十里與寶華並峙

獨石山在城西四十里四山皆土此山獨石

大屏山在城北八十里高聳插漢形若屏風

天堂山在城西南一百里又名大王山與靈山相

峙舊有石橋可通爲雷震折

登高嶺在州治西北隅州城跨其上有亭曰仙槎

州人九日登高處今於嶺上建魁星樓

漁翁嶺在城東三里



雷公嶺在城南五里

分界嶺在城西南一百十里接廣東靈山縣界其麓有大墟爲橫靈民貿易處

烏石嶺距城東北一里石色純黑故名

白象嶺在城南五里

駱駝嶺在城西六里

馬嶺在城北三十里其右曰瀆塘有汎泉焉其左曰羊嶺在城東北三十五里

蔴沙嶺在城東南三十里

金龜嶺在城東北二十里形如伏龜

獨鎮嶺在城南二十里靈山大路跨其上左水出

平南江右水出鹿江

洪崖嶺在城南五十里一統志云漢谷永招烏蠻七十萬卽此地山麓有伏波祠其下爲烏蠻灘

崆峒巖在州東三十里石室玲瓏層層有洞知州

曹儲名爲五星巖吳悟齋董幼海遊此更今名

牛皮石在州西七里形如牛皮上刻有橫州二字

米貴則見相傳仙人所書

鬱江卽左江在城南州學前源出廣源山形環如月又名月江上通永淳下達貴縣

方水江在城北二十里源出六麼山有石魚古諺石魚生羽翼爲州出才傑之驗



古江在城東五十里源出震龍山九十里至烏蠻驛流入鬱江

鱔江卽鹿江在城東五里源出靈山入州界四十里入鬱江郡志云有鱔魚穴

武流江在城南二十里源出靈山縣界北流經州入鬱江

清江在城東十里源出米岵山七十里入鬱江

橫槎江在城西源出山谷入鬱江晉董京泛江見一枯槎枝幹扶踈堅如鐵石其色類漆橫於灘上

又名槎浦

陳埠江在州西南六十里源出廣東欽州界經靈

山入州境

平塘江在城西南五十里源出欽州經靈山入州界五十里入鬱江

紫水在學西北六里源出駱駝嶺一里入香稻溪大比年以水流長短占中式數屢驗

西竺水在城西南十里源出寶華山十里入鬱江  
冷水在城西南二十里源出大麓山五里入鬱江  
苦竹水在城東南二十五里源出博合墟洞三十里入鬱江

香稻溪在城西五里源出古鉢山旁產香稻有西來海棠二橋水流入鬱江



震龍潭在震龍山頂山水湧出分爲九溪明時傳有客龍來鬪崩石倒樹云

鯉魚潭在城西北六十里源出陂壠村流出米埠烏蠻灘在州東六十里極險上有伏波祠因改爲起敬灘水道又有龍門

冶春灣卽飛龍水在城西八十里源出靈山經州界八十里入鬱江

月林洲在城東三十里俗傳水底有鐵船大風輒浮水面係馬援征交趾用鐵船開道遺於此

龍池在城水門外開於唐貞觀時宋徐安國有詩瀑布泉在州南三十里寶華山背雷公嶺泉自頂

直下形如掛練寒凜徹骨

石泉在城東五十里源出天窟山南巖洞口從石罅而出澗潯清冷注於鬱江多嘉魚九月有穴可捕一統志一名天窟潭又謂之神江

麤龍泉在古鉢山頂四時不竭歲旱禱雨輒應

古辣泉桂海虞衡志云古辣乃賓橫間墟名以墟中泉釀酒既熟不煮但埋之土中日足取出色淺紅味甘而致遠行暴口中不亟壞南州珍之

六嘉井在博合墟泉水噴出沙泥中色味清冽環村數百家取汲隨足用以釀酒尤佳土人呼爲酒泉



井頭井在那陽村後填塞泉水仍自噴出取飲色味亦佳

上思州

十萬山環州東南西三面離城八十里峯嶂嶙峋聯絡延袤直至安南國祿州地方皆曰十萬山爲交夷界限沿山有八隘附列

棟銅山在州東二十里其山北拱列翠巒晴雨可玩

大吉山在州東八十里其勢巍巍巖巒頭圓淨視羣山尤特出焉

朝拜山在州南十里其形俯前如拜狀

獨秀山在州東南二十里山尖如卓筆與諸山異

明時遷學宮向之以爲文峯云

鳳凰山在州西四十里其形廻展有若鳳翔

王侯山在鳳凰山之北

柳槐山在王侯山東一里許昔多柳槐故名

三台山一名文嶺在州北離城二里三峯聯絡排列形如覆釜

思山在州北二里州以之名山首東側蹲踞如獅形又名獅山

東香山在州西北四十里山勢高險下有弄懷巖怪石層疊深莫可測遊人執火而入湍流清泉芳



蘭異卉四時有焉

北梯山在州北三十里山背石疊成級若梯

東曉山在州東三十里其峯聳特較勝曉日初出

羣山映麗

雷西山在州東二十里土人呼山曰雷呼螺曰西其山形勢尖圓若螺故名

幙帳山在州東七十八里山勢高聳與大吉相表裏巒頭則上圓下方故名

達追山在州東三十里山下有溪環抱成潭有石穴土民立壇於上祈雨

架梁山在州東四十里山脊勢蠹如架梁

望州山在城北十五里山形聳拔俯瞰州治

弄樸山在州西六十五里

蓄林山在州西六十里明嘉靖初官兵討黃鏐屯營於上

淶王山在州北一十八里下有淶王村故名

獨秀峯在州東南五里羣山糾紛左右相峙

排陽嶺在州東三十里山多峭壁

迴車嶺在州東十二里與恃武嶺對峙

四方嶺在州西六十里嶺勢鬼拔四面方正其巔有潭名天池

恃武嶺在州前左高百丈上有土城世傳漢馬援



征交阯所築

美麗巖在州西二十里巖口向東中有石如蓮座  
明時知州周璞刻美麗巖三字於巖

甘燕巖在州南一十里恃武嶺下

東麗峽在州西二十五里兩山相峙江水中流東  
山林木茂麗峽鎖明江水口故名

明江在州南半里江水環抱州治發源自十萬山  
至那板溪合淥浪等溪隨山勢滌迴曲折二百餘  
里達州由州西流至遷隆水口滙合下達思明太  
平爲左江東入於海

上思江在州西南八十五里源自十萬山合小江

水北流入明江

冲榜溪在州南八十里源自十萬山北流注於明  
江

淦圭溪在州西二十五里源自鳳凰山北流下明  
江

波急溪在州西南九十五里源自十萬山西流合  
於明江水口因山勢陡狹水流湍激下注故名

馱龍溪在州北十五里源自北梯嶺南注獅山下  
合淥益溪南流入於明江

淦弄溪在州西與淦圭溪皆自鳳凰山發源北流  
注明江



廣西通志 卷十五 三  
淥鬱溪在州南八十里源自十萬山北流注於明江

馱桃溪在州南十五里源自舊門北流入明江土人呼河曰馱傍有桃樹故名

剝鄧溪在州西六十里自弄樸山南流注那渠寨下合明江溪邊有剝鄧村故名

那卯溪在州西六十里源自十萬山西流合馱樸溪匯於明江水口溪邊有那卯村故名

阮郎溪在州西南九十五里源自十萬山西流合馱樸溪匯明江水口溪邊有阮山故名

金印潭在州南十里卽明江水明成化間土裔爭

襲棄印於潭因名

獅子潭在州南三十里卽明江來水潭中一石昂首如獅子

葫蘆潭在州西六十里明江去水形如葫蘆世傳江側有村陷成潭

汪盟潭在州南六十里舊志謂潭畔之山有宋時黃平章墓時有變則如鼓樂聲鳴於潭之石崖

汪水潭在州南四十里一名龍潭去獅子潭一里祈雨輒應

龍跳灘在州西六十里灘石陡瀉丈許上平下銳巖谷數口春水汎漾魚集穴內土民以卜豐歉



廣西通志 卷十五 三  
天池在州西六十里四方嶺巔

蓮陂池在郭東城隍廟前夏月種荷芬芳可挹

東陂池在城東門外上下二池相連可畜魚水則

灌田

透溫泉在州北三台山之陰五里其水冬溫夏涼  
剝甘泉在剝山石內湧出

福泉井在州城外西北坎下澄湧官民汲之沾漑  
田疇故名福泉

新寧州

青雲山城西北三里隔江周四十餘里壁立巍峩  
爲州巨鎮峯巒巖壑互呈奇峭其最勝者筆架諸

峯

獬廌山卓戟山右峯首仰天類廌傍一峯稍欹而

大又曰獨角麒麟

鬪雞山在城東五里一峙江右一峙江左二山臨

水如鬪雞其左一名飛鳳山中有小峯平列爲印

山

錦屏山城北端峙爲學宮後屏

世旺山在城東十里峙竦踳踞絕頂平坦有泉不  
乾不溢禱雨最應名曰普望聖泉

聚霞山在城西七里山周廣十餘里高與青雲山  
齊日夕有霞氣聚於其上



廣西通志 卷十五  
玉屏山在城東二十里端立如屏

大王山在獨秀山左方正秀媚山有一孔與六合

山大江相通

六合山在城東三十里山有巖巖壁有形家言

畫山在城東三十里靈異變現有仙人形

搢笏山在城西五十里清秀儼如笏山右有狀元

峯

芭蕉山在州西四十五里頻江絕頂嵯峨可望而不可登

金印山在州南沙村後五里土名隴髻秀麗高廣山頂凸一方石似印故名

聚樂山在州南五十里容村後土名邕容山中一

巖光明平正可列廣筵故名

蓮花山在州西南六十里一巖寬大中則陰涼可憇

廣寨山在永興村邊四山秀麗山內出泉

烏風山在州西南離永福村十里巖內高大可藏

千人

判筆山在城西五里尖銳如筆

獨秀山在玉屏山左

屏峯山在城南十五里

圍屏山在那何村圍遠村邊



羅圍山在渠隆村

清奇山在城南五十里

天螺山在城南十五里渠蓼村似田螺樣

清屏山在城南二十里

四柱山在城南七十里定村前山下一峒社神所  
棲村民祈福著靈

印山在壽村古有一陵官田獵經過落印在於小  
溪潭內今山上顯神有石絕峭如印遂名爲印山  
月山在李村似月形

筆架峯青雲山中面水特秀頂峙三尖儼然筆架  
神童峯在左丹誥峯在右望斗峯在後

三寶嶺四圖祿富村去城南二十里三峯秀拔穎  
異

三台嶺在馬鞍山左

金雞巖在筆架峯腰昔傳有金雞出入其間

古陽巖在青雲山內寬可五里

獅子巖在城北三里巖開洞門一石蹲踞如獅稍  
入空隙透天光下有釣魚臺注水一泓其深莫測  
州守鄧石陽題曰元天洞馬鞍與卓戟二山連峙  
其右

甲午巖在州西渠蒔村半里巖內七竅通頂有仙  
人二掌遺跡



廣西通志 卷一五  
姊妹巖在州西隴紐村峒門高廣巖內又生一巖  
共作兩層玲瓏特異

鄧近巖在州西邕桑村後山形如屏巖方圓一丈  
中一大石平可布席有泉水不竭通出大江

渠巖在渠盧村中週圍四山如城前後山門出入  
巖中寬朗巖下一大塘四季不竭

鴛鴦巖在州南六十里人跡罕到巖上石筍奇峭  
迥異又有二石絕似鴛鴦故名又名天仙勝巖

犀牛洞在城西三十里諸峯環立中一石似牛形  
聳立高一丈稍入深邃有石池似蓮花瓣常注水  
於池中

仙降洞在鄧村邕巖山中有一巖內玲瓏七竅石  
筍倒垂

慈烏石城東一里州龍過脉黑石星布於野如烏  
聚止

迴瀾石城西江畔石形類獅橫漲江流漁父晒網  
時憇其上

太平石在隴寨山脚下石如天蓬樣一巖甚高大  
石筍倒垂於巖門左右

聚樂石在新村隴巖山脚下高四丈可遠觀故名  
定祿江在城西發源自交南經思明龍州二江合  
麗江西下環抱州城



文字水在定祿江埠頭波流滌遠如文字與筆架  
峯相映帶故曰筆山文字水

那模水在州東三十里

響水在州西南百里江涯有石嵯呀水由石罅出  
其響如雷

淶瀆水在州南十里

魚影灘在石人堡江畔石出肖魚影故名

龍頭灣在新庄下江流九曲若龍蜿蜒故名

石龍洲在筆架山下江中橫露石脊出水不盈尺  
長數十丈似龍

長沙洲在州北獅子巖下橫欄江中

渠樂洲在州東鬪雞山下江中突出

龍灣洲在龍頭灣下水

金竹洲在大江中龍頭灣下

金帶沙在新江村日映沙光其色如金

玉帶沙在城西環抱江澣明媚可人

隆安縣

三台山縣東岸二里其來脉自歸德三峯秀異聯  
屬如筆架學宮向之

金榜山在縣東十里傍有尖峯層級而上豁開一  
洞洞中有一泉清雅奇觀別開境界

逍遙山在縣東六十里上有靈池不溢不涸常結



慶西通志 卷一五  
雲霧過者或聞其中有鼓樂聲則年豐土人以此卜歲

蓋橋山在縣南三十里巖有古木橫架俗傳自神農時至今不朽

石人山在縣東二十里突起一石坐山巔絕似人形隔江有一石似馬仰首向人

獨秀山在縣東五里獨立平地翠聳如削亦名東獨秀山又有西獨秀山在縣六里

火燄山一名夜光巖在縣東北三十里山麓出泉極清每至黃昏常有火光騰耀

白馬山在縣西南十里山峯秀麗中有神廟二古

傳其神自青州白馬驛因軍功至此沒而爲神居民因奉祀靈應如響

邕猫山在縣東十二里其狀似猫故名

猪槽山在縣西三十五里上有槽旁數石似猪

邕幞山在縣南四十里上有一石突出狀似幞頭故名

隴雅山在縣東六十里有石巖高廣十餘丈巖內生石塔二座八仙形像

龍山在縣東南六十里峯嶂盤曲如龍下通一孔春流不竭

朝霞山在縣東七十里思龍馬村前其山蟠亘數



里高欲參天多產野菽以資饑饉左爲九波右名八仙中一溪天將雨則落霞氤氳屈曲如龍灌溉田疇思龍一五兩圖均資其利

將軍山在縣西二十里石山聳秀甲於羣峯巔有石窩蓄水常潛菩薩魚一雙下又有深潭爲鱗潛之藪人有臨涯羨賞則羣魚逐隊鼓浪而出

那岑山在縣西南二十里石上鐫隆安界三字

邕桑山在縣東三十里山腰通一穴深不可測

多柄山在縣西南三十里古鐫字於石記隆安萬承界又名鑿字山

影容山在縣南三十里山上石壁有影宛肖人形

並立奇巧異常俗因名之

龍囊山在縣南三十五里

梅龜嶺在縣東南五十里聳秀居九曲上流爲縣

關鎖前設堡於此

馬兜嶺在縣南二十里疊嶂盤旋爲縣下關

那龍嶺在縣南半里千嶂如驟下有泉甘冽遇旱

登此祈雨

雲樓嶺在縣西北二十里三台聳秀雄冠一方枕

近十餘村祈雨輒應時有雲霧生其巔卽爲雨兆

清珠崖在縣西南二十里明嘉靖戊午冬晉江姚

南涯鐫清珠崖三字於石



感陽巖土名更盤在縣東六十里內有靈神鄉民以春秋祈穀

龍翔巖在縣東二十五里濱江直對淶水江口巖內有石如床石壁上有痕如龍下有潭產藍魚三清巖在縣西南十里山腰有巖平正光明竅通山背下有澗水滌繞宋元祐間一夕烈風大雨香爐忽自移巖內因塑像奉祀

感昭巖在縣西三十里巖一石居中形如獼猴上下洞徹今又名仙巖

白鶴巖在縣西二里巖中有石宛肖鶴形引石擊之戛然有聲俗號爲鶴鳴九臯

青燈巖在縣南三十五里巖中坦平前人常講學於此下有一橋石鐫蓮花一朶名曰浪花橋

陽明洞在縣西北明王守仁征撫思田舟次於此刻曰陽明洞天

釣魚石在縣東七十里江畔一石狀如老翁垂釣水中一石宛如魚欲餌因義取之

鏡面石在縣西北二十八里其石圓平如鏡豎起倚斜如開鏡狀傍列二小坡如兩梳然

息耕石在縣西南五十里耕者困憊常憇息於此明嘉靖間縣令姚居易刻息耕二字於此

何瀘江在縣東六十里曲水村發源自武緣南入



江可通舟楫

大江水發源自雲南歷泗城田州從縣後紆迴而去遶下十五里灣成九曲合武緣縣江一折流而南下與太平麗水會合東徃邕郡朝宗於海九曲水在縣東五十里灣環九折爲一邑關鎖馱良溪在縣西十里發源自萬承州流於大江清水潭在縣東十五里寬十餘丈碧波潺泓爲魚之藪

龍床潭在縣東南水清冽多產藍魚祈雨亦應那龍泉在縣南半里泉出嶺下清潔異他水觀井在縣南門四時不竭

永淳縣

掛榜山在縣西北城環其上石壁臨江形如掛榜亦名屏風山

鳳凰山在縣南十里近三州村

司中山在縣北五十里舊時多產鐵力樟楠諸木陸離山在縣北八十里山畔有飛來寺

魚流山在縣西六十里中有溪潦漲灘急魚自順流而下

龍章山卽震龍山在縣北四十里相傳有龍出入文彩炳然

了髻山在縣北四十里



高尖山在縣西北六十里

北墨山在縣北六十里

登高嶺在縣西一里九月九日邑人登嶺放風箏  
爲樂昔有亭今廢

雷峯嶺在縣北岸二里頂周圍蹊徑圍繞舊傳雷  
震而成因立雷廟

林公嶺在縣西南五十里昔有林姓隱此

大人嶺在縣北六十里峯高聳上有古寨鄉人避  
寇處

黃殼嶺在縣北五十里

白象嶺在縣西南八里

大鹿嶺東門對河一里

獅子嶺西門外二里

香爐嶺在縣東南二十五里

聚仙巖舊名衆妙巖又名龍隱去縣二十里滕村  
洞門巨敞旁通一徑始入殊隘行數步漸寬秉炬  
以遊有天門三中間瓊臺玉龕寶鏡龍床儼入蓬  
萊方丈泉流分濺夾道泠然水乳皆滴成鐘鼓狀  
明御史董傳策大學士蕭雲舉有記

雷破巖在城東三十里石崖如壁下有劉大王廟  
遊魚石在掛榜山下江水涸則見形若遊魚又有  
石圓而浮名曰珠巖相傳有紫水出焉有詩勒壁



頭巾石在雷破巖對岸形如儒巾故名

大江在縣城外環繞東南北三方卽鬱江經橫州  
爲槎江經潯州與黔水合經梧州會灘水入於海  
永東江一左源出梁雞逕滑石一右源出石灰浪  
二水會於青灘合入縣鬱江東岸  
東班江在縣西北五里自震龍山經急水露墟甘  
塘石嶺入於大江

秋風江在縣西南三十里源出靈山縣界

靈犀水卽珠巖前之水舊傳水底石窟有犀牛潛  
焉

龍潭在縣南六十里潭深無底下有伏龍值天旱

官往祭禱土人脩藥草置潭中龍急忿起遂興雲  
雨民多賴之更有巨魚無數隨之而起爭以爲利  
俗因號打龍潭云

野鶴灘在高村下縣西五里有亂石水漲難行下  
一石洞其深無底號曰龍門

流魚灘在縣西四十里澇漲灘急魚順而下不能  
復上

火烟灘在縣西五十里橫石大江中如雞頭舟行  
險阻

梁傘灘在火烟灘上亂石夾路橫踞似屋梁傘蓋  
凡十二處爲往來舟楫所苦



牛練灘卽三洲灘在縣南二十里險急有石形如牛

燕子灘在縣西八里

石洲灘在縣西二十里

泊灘在縣西二十五里

淥境漩在縣西十里湧漲湍急其聲如雷

雷破磯在城東三十里水險急

古辣泉在古辣墟旁舊傳泉水釀酒色美詳橫州

牛澗泉在縣南五里相傳以水煮飯飯上寸許如

桃花色

龍泉在縣西十五里有石洞洞有石竇通大江

果化土州

青秀山在州南三里

獨秀山在州西八里

龍床山在州西

大江在州北自思恩土上林流入又東南入隆安界

歸德土州

九兒山在州西十五里高於諸山

歸峯山在州西北二十里峯巒秀起石壁陡峻無林木

大河在州西三十里馬頭村



忠州土州

邑仙巖在州北三里巖深邃濶約十丈餘登眺則遠峯如帶天氣晴和彷彿聞琴棋絲竹聲相傳仙人曾奕於此

水源一從淥削諸嶺下流出至新寧州一從那如峻嶺流出至江州一從通貞高嶺流出至明江入大河

遷隆峒

那馬嶺在東南三十里

上碎嶺在東北三十里

峙內嶺在西十里

把迤嶺在北三十里

小河在城南源自上思州十萬山橫遶峒城下流

思州土州不通舟楫

太平府

崇善縣附郭

白雲山在城東北四里下有澗水形如玉屏壁立峯頭常有白雲繚繞故名麓有七洞怪石嶙峋洞前懸石擊之有聲如磬世傳晉葛洪之勾漏息此煉丹今竈跡尙存夜靜猶或有光自巖中出

文奎山在城東二里麗水繞其下山勢聳立學宮向之舊名將軍山魯鐸使安南易今名



幞頭山在城南一里形如幞頭一名紗帽山

金櫃山在城東一里石壁百尋麗水經其下山腰有小徑濶三尺許可以橫渡明都御史毛伯溫討安南還勒元老壯猷平交偉績八字於其上今字猶存中一巖亦曰金櫃

筆架山在城西二里三峯聳秀形如筆架

青連山在城北十里太平之鎮山也青壁相連故名其山發源將軍嶺溯麗江而上至崇善江口綿亘三百里分擘數千峯中多曲洞靈泉奇材碩果珍禽異獸絕壁之上每有仙跡

鰲頭山在城東北四里屹立江心明隆慶辛未水

泛山巔推出方石長八尺四圍花闌中有錦紋花樹後太守李友梅建塔三層於上

國朝康熙三十七年太守徐越續建四層至今崔巍改觀

蛾眉山在城北離壺關十里烟雨晴霽遠望如蛾眉

燈架山在城北二里高聳尖秀望之巍然

僧燈山在縣治三里世傳有一仙造寺於此至今巖內猶有橫樑木一株夜靜佛燈常現

盤馬山在盤溪上離縣治四十里四面平坡惟此山形如天馬盤旋故名



鳳凰山古名鷓鴣山在城北五里山巔奇石卓立如鳳展翅狀

大嶺山在城北十五里土官趙暹斃石成堵爲通諸土司孔道山之開鑿自暹始去山半里有狐掘泉

連元山在文廟對江卽學宮前案高壓羣峯巔有三層如磨盤皆巉石環繞上鑿連元二字

淨瓶山在城西北二里形如瓶

銀山在城對岸有洞深黑昔有人秉炬方入未數步氣悶極遂返

崇官山在舊縣北二里其山空洞如室

馱夾山在崇官山北土官趙暹曾結菴於此

玲山在城北十里山峯峻峭石壑玲瓏故名與螺山相去三里

環山在城東十里許與龍井相去三里石徑盤旋璧山在城東五里山下有池其後一小溪春雨水漲滌洄如璧色故名

五廩山在城東四里山多羊桃俗呼爲五廩子故名

龜公山在城北五里山有巖二層如樓閣然石筍參差列於巖壁

隴口嶺在城北六里與關城爲唇齒



佛子嶺在府城南門對河十里與江州分界處  
盤環嶺在城北五十里其嶺純土可耕大路經其  
嶺卽見太平安平二土州又名望州嶺一統志作  
環嶺

感谷巖在城西北一里上有進寶石下瞰江流形  
如石闕石壁鐫感谷二大字上下有洞呼聲相應  
故名

鄧巖在城東北郡人鄧祥龍讀書於此刻鄧巖二  
字記之

回陽洞在城南五里舊名和尚巖昔有老僧神定  
洞中久之趺坐而化知府江一桂同周璞遊此至

夕見燭照洞中因改今名

鐘鳴洞去城六里俯瞰麗江可容數十人有懸石  
擊之鳴如鐘磬明總督張岳書鐘鳴洞三大字於  
石壁

碧雲洞在城北十里峭壁插天一洞深邃旁有石  
門遶山麓而行雲烟繚繞洞門一石臺可以觀眺  
前人遊覽有詩

盟猿洞在城北三十里洞有二層迂迴曲折幽深  
不可測洞口古木参天猿鶴常居其中

麗江在城南發源於廣源分流於憑祥歷龍州明  
江經府治遶城西南東三面合邕江下潯梧東入



於南海

龍門江在城西十里江心怪石嶙峋奔濤擊石錚錚如琴筑每歲春雨南風起鱗魚數萬溯流聚此墨水江一名崇善江去城六十里發源交阯歷下雷合安平恩城太平果化諸水通於麗江相傳江心有香水潭出香魚味甚美他江不及

龍馬泉在城南岸近江三穴相通有古榕十數根覆其上天將雨樹蔭下每見鯁魚數萬遊躍世傳有龍化馬於此因名

白雲泉在白雲洞上下有孔通天下一穴世傳有龍潛伏歲旱祈雨輒應

廣濟泉在城北二十里青連山陰

龍井泉在城東北十里深二百尺其泉通於麗江明太守徐師臯斲石建亭作記

顯靈泉在城東五里歲旱祈雨於此

狐掘泉在大黃山旁狐掘乃名樹盤蔭泉上

螺泉在螺山下泉外池池上列植修竹蒼翠掩映環山泉源出環山清潔甘美上多林木夏日晴明猿聲鳥語自覺可人

玲山泉源出玲山石洞中春夏雨霽泉聲歷歷靜聽如笙琴聲

馨泉在馨山盟猿洞下春夏水發聲如琴瑟太守



高不矜名曰馨泉

玉井在下郭玉皇閣前明萬曆初年開鑿

龍竅井在府後千戶所公廨

左州

金山在州治北一里上有寺聯絡三十六峯旁有一壁峭立上鑄龍光在望山勢空靈洞闢軒敞外有孤峯獨峙倒插如雲

麒麟山在城西二十五里挺特蒼秀爲州龍之脉天登山在城東南八里兩山峙立其高插天因名博感山在城東南八里一水中流奇峯對列旁通幽巖秉炬而入洞中形狀詭怪天然入妙不可方

物

九峯山在城南四十里山峯聯屬不斷故名

銀甕山在新村其山臨江起伏如甕晴霞映之色如銀

芙蓉山在城西南五十里初日照之鮮妍可玩

獅子山在城東南五里

龍泉山在城東三里

獨山在城西南八里

華父山在城西南十五里有潞澤四面環遶石牙盤錯竅通穹隆

跨龍山在城西二十里



崑山在城西二十里

馬鞍山在城西五里又五里爲天高山

雷嶺在城西南二十五里

角勢嶺在州城西門外

威國嶺在城北五里

紅泥嶺在城西南三十里

雲巖在城西南二十里一峯擁峙有巖二層遠眺

疊翠如雲

伏龍巖在城東八里

淋巖在模村入巖二十步幽窈深黑古傳有野龍

潛伏

墨山巖舊圖志卽栢嶺在州南三里其中虛敞曲

折盤旋可容百人

鶴洞在城西南十五里山巖聳峭傍有陂塘春夏

雨水漲溢多生魚菰野鶴常聚於此一統志謂之

通明巖今又作叫鶴巖

潭洞在城南五十里

橋江在城東門外發源自陀陵三清山合諸流而

入於州界

滌江在城東五十里

龍潭在城南一石若虬龍狀石下泉湧冬夏不涸

味洞泉在城西南四十里



龍泉在城東三里湧出不竭匯而爲池北流合橋江

養利州

古嵩山在州南四里形如屏風

勝奇山在七村離城南三十里州之門戶

金馬山在州西

帽山在州北一里形如幞頭州之後屏

小印山在州西一里平地突起狀如印有巖空洞

玲瓏穿透

武陽山在州東南四里孤峯危峙四面水遶下有雷壇遇旱祈卽應有武安洞洞中水滴成溪

隴幔山在州北十五里萬山環列僅通一路中有

水穴奇勝一起一伏莫測其源

養山在州西北三十里蒼翠蒼鬱綿亘甚遠州蓋以此山及利水爲名

雞公嶺在城東六十里嶺甚高峻登望萬山如壁立與故陀陵縣接界

散花嶺在城西三十里昔傳土官追呂仙至此見白馬騰空天花落墜因名

觀音巖在城東四十里其巖離平地十餘丈平廣可坐百人石壁有菩提大士像巖下有弄月鏡臺二石



榜冕峒在城東二十里各村環繞樹木蔚茂舊設有峒官今廢

武能洞在州東三十里二山夾水極為扼塞

通利江發源筆架山經龍英至州界入左江

州前江發源自萬承西流經那邕那造等村至州

前合通利江

潤江在州西北自龍英經叩村出合恩城江

石巖泉在城內深微無底泉出石罅與城外潭水

相通

武陽溪亦曰洞溪源出武安洞西南流至州南入

通利江

呼水泉在城西三里石巖中舊傳童牧過此呼之

即湧出尺餘飲訖如故

靈陂自茗盈經隴幔至州治北水出石中與城內

泉通

永康州

淨瓶山在州東南三里平地突起一峯如瓶

白面山在州東北十里舊圖志作白虎山

天馬山在州南五里峯巒層峭勢如天馬行空

文筆山在城西三十里

展誥山在州西與文筆山相連尖峯秀麗為州學

向山



橫榜山州治南三里橫峙數十丈其形如榜舊圖經作橫石山

邕堯山州治南六里兩山互向其形如門俗號爲堯

明山在州南故思同州東巖穴相通

淥空山在故陀陵縣南十五里綠甕江水出其下駱駝山在陀陵北二十里古縣名駱陀以此

蛇嶺在陀陵東三十里路通羅陽

將軍嶺在陀陵西三十里

邕橫巖在州北七里上下有巖巖中有水俗號爲田塘內有一石特立每年三月修禊士民以兆豐

年

巖崆峒州治西三十里四圍高山中有一峒蜿蜒窈窕通人來往

綠甕江水自淥空山發源東北流遶州南合思同州水又東入羅陽界入大江淺窄不通舟楫水味清甘無毒飲濯皆資之

淥零水在州南故思同州西南入大江

寧明州

逐象山在州治北三十里

豬峽山在州北近江因形而名爲關鎖州治鎮山回團嶺在明江城西南十二里自十萬山來脉層



巒疊嶂清翠可愛狀若盤龍回顧故又名龍蟠  
蕾蘭嶺在明江城東南二十四里嶺高而大有兩  
石相對中通岐陽號曰石門傍有土檀香可採  
蕾畧嶺在州東四十五里

風門嶺在明江城北二十五里乃南太孔道

仙奕嶺在明江城南十里菁葱秀麗頂上有泉一  
大石寬平方正傳昔有樵者上山遇數老奕棋歸  
已數月

象伏嶺在明江城西南十里石下有象跡傍有泉  
白馬峒在州治西三十里山石突起中穿一峒峒  
有水從中出約深十餘丈卽六月寒氣逼人石壁

雲花燦爛彷彿如白馬狀

交椅石在明江城東十二里石形如椅故名

明江源出自十萬山由遷隆峒西流經思州土州  
至城東南曰明江又北流至州治一百八十里合  
龍州龍江

交陞河卽小溪在明江城西南十里出交陞高樓  
夷州經六團四寨而下合州界

東湖係大池在街旁橫亘數十畝中有土堆上建  
西竺菴

汪龍潭在明江城東十二里深約六七丈捕魚其  
中輒興風浪



巡檢泉在明江城南門外泉有三五孔汲之不竭  
唏蒙泉在明江城南六里唏埋泉在明江城北十  
四里舊傳二泉相通嘗騰沸土人驚畏將牛羊鐵  
器穢物窒之乃不爲害

唏吳峒泉在吳峒石崖間中產魚蝦多則年必豐  
夏流如江冬卽涸其山有神峒人歲一祭之

唏饒泉在水口峒

馬跑清泉卽太子井在明江城西北二里元鎮南  
王脫歡及右丞峻都太子討占城士卒飲明江水  
而病禱於神馬跑地忽湧泉故名水清美汲貯罌  
中旬日而味不改能消瘴毒

唏王井在明江城東五十餘步夏極涼而味畧酸  
太平土州

龍蟠山在州西二里以山勢盤繞而名

九峯山在州東五里

板棧山在州南二里

巔潤山連峯峭壁一水中流頗足怡目

普媚山在州西北二十里

澗水一自恩城安平一自養利萬承流經州地曰  
邏水又東南經崇善出大河

安平土州

秀貌山在州北一里



仰山在州西一里

通山在州東一里

會仙巖在州西一洞天然石門開敞

小澗水一源西北自交趾高平流入一自下雷土

州二水合流繞州前曰隴水又東南入太平土州  
界

恩城土州

龍級山在州東二里盤旋高峻層級而上

隴馬山在州南五里

叫唵山在州東二十里與養利州接界近有叫唵  
村

隴育山在州西北五十里有隴育村與安平土州  
接界

教水源出養利州西流入境繞州南分二水又西  
南入安平州界合隴水

憑祥土州

白馬山相傳班氏夫人歿厝於此忽夜沉樞山於  
馱盧峭壁山上遂化爲白馬形故名

翠屏山在州後峯巒插立樾蔭層層爲州治鎮山  
蓬島巖山形峭壁巖在半山昔有羣仙臨此遊人  
多賦詩於上

小水在州北三十里與上石西州接界詳後



龍井在州前其水春冬則温秋夏則凉

萬承土州

香壽山在州東北半里有峯十餘皆高峻秀出為州之後屏山半有靈泉上有飛來寺香爐

金童山在州東北半里相連一山曰玉女

天馬山在金童山之左形狀如馬為州治出脉之山

麒麟山在州西南二里似麒麟回首

三台山在州東南二里三峯秀列雲霧常集

蓮花山在州西北形如新荷欲放舊名連山

翠壁山在州東北蒼翠異於諸山下有潮泉

雲門紫洞在州西南外勢嶙峋內寬敞北廣南狹為往來孔道

文秀水在州北一里

玉帶水在州東古名淶泮水源出玉屏山下環繞州前與文秀連珠二水合流出雲門紫洞

連珠水在州北一里古名晰黎水源自州西北來

歷星潭穿山而出與玉帶水合

喇啼水在州北三十里皆小澗注泉不通舟楫

茗盈土州

獅山在州南五里

帽山在州北一里



觀音巖在州東十里

佈顯水在州西自全茗流入又南入養利州界

小澗水源出觀音巖穿洞而出直抵州南

全茗土州

端坐山在州南二里

印山在州前

獅子山在州東一里

財江在州西流出龍英州界

利江在州南與佈顯水合流茗盈州界

佈顯水環繞州治與佈壤水會於泓鱷橋東南流

出茗盈界

龍英土州

八仙山在州治南爲州之後屏

牛角山在州東峯頭尖銳如牛角

筆架山在州北三峯並列

佈瑞山在州西疊峯萬仞峭壁千層養利全茗恩

城連界

通利江自上映州流入州境屈曲經州前東下養

利州

巖亮潭在州治東八里潭水清涼夏月人多垂釣

避暑其間

佶倫土州



奇主山在州南山勢連亘為州後山

高峙山在州東峯巒直聳

堯鰲山在州西北

下權嶺在州西接鎮遠州界

咻吝水出澗中流遶州前下穿山洞入上林土縣

春夏長流秋冬淺涸

結安土州

峒段山在州東北四里

多趕山在州東

城門山在州北壁立如城

石人山在州北十里

咻水二小澗一流鎮遠州一流都結州

鎮遠土州

筆架山在州南六里

楊山在州北十里

隴角山在州南

天馬山在州西五里

巖磨水在州南水泉清冽州人皆取汲焉

都結土州

坤山在州南

印山在州治前為州之向山

青雲山在州北高聳入雲故名



嘶水自山澗湧出北流隆安縣界

小河水出黎念山嘶村下流隆安河入右江

江州土州

弄俸山四圍峭絕一逕入山內皆平地中有村名  
弄俸卽分界處

掛榜山在州治右

鷓鴣山在州治後

雞籠山與鷓鴣山相連

子母山接雞籠山

波漢山在州後山勢起伏狀如波濤萬頃故名

獨山在州治十里一峯獨立如筆

嘶巖山去州半里泉自巖中流出巖前盡栽青松

丹荔傍有長塘旋繞夏日荷花盛開香聞數里

淥微水在州治南流入左江

歸安水來自上思州流經本州注於左江

北門泉在門橋下泉自江心湧出冬夏不竭世傳

此泉水清濁可卜世盛衰

上石西土州

古望山在州南五里高百餘丈山巔平廣四旁泉  
透相傳漢征交阯屯兵於上山之西五里有通天  
檜亦征安南駐營地

石石山在州東二十里其中巖崿瑩靜深廣石乳



凝結秀異天然案一統志卽白石山

佈隴巖在州北二十里深數十丈村民貯粟於中以備不虞

透天巖在州東

小水源出交趾文淵州界與憑祥水會於州南又東入下石西界流經思州入明江皆石積小溪不通舟楫

下石西土州

弄花山在州東與寧明州界

馬鞍山在州東

白樂山在州治北峯巒聳秀林木蒼翠

汪山在州南

獨山在州西南與上石西州界

小水在州南詳上石西州

上下凍土州

青連山在州北一里自交趾廣源州發脉東達府境綿延峻聳爲州後嶂

八峯山在州西八峯相連

白馬山在州西二里

拱天嶺在州南十里山峻而長綿亘百餘里東南接交趾界其峯皆拱北因名

新橋川在州南一里



馱孟川一名倫村川出拱天嶺下數里達州前小河

大源發自交夷廣源州由龍州水口關下入境逶州前順流至龍州滙合下流入左江

思陵土州

公母山北接交南山勢高峻廣濶密菁叢林秀色可觀

連珠山南接交趾祿州山勢雄偉

寶蓋山在州之東

東陵山在州之北

天馬山在舊治之西山不甚高中有石徑古道小

澗旋流

紀牟山在州治東十里

角硬山在州南二十里

風門嶺在州之北

淦削水在州治前流入思州界

角硬水源出角硬山北流三十里與淦削水合

白玉泉在州治東泉水潺湲聲聞遠近

思州土州

公母山在州西南一百四十里山勢隆嵒盤雲霧則晴逗清光則雨

藏旦山在州東高五十餘丈相傳昔有勇士被追



逐策馬造巔而死至今土民祈禱頗有驗

掛榜山即摩天山在州西南八十里層巒疊翠環

接明江

花山在州西一百里怪石嵯峨狀若人形馬象執

戈矛旗鼓之類過者驚畏

曹爛山在州西六十里四面高山中有平崗田可

耕泉可飲人可容百餘

飯包嶺在州西南九十里與明江接界舊傳越裳

來侵中土至此嶺飯包化石懼而還

飛仙巖在州西六十里山高林茂昔有飛仙居此

軍人坐化巖在州西南二百里相傳元時萬戶府

軍人拾草巖內坐化後土人因而祠焉

三清峒舊名百最峒在州西二百里元時鎮南王

脫歡征交趾還遊峒中愛其清雅命工塑三清像

因名今其像猶存

龜石在州西三十五里江中有石形若羣龜泛水

因名

明江在州東北詳見寧明州

浚漢水在州西水流五里許入寧明州界

汪婁潭在州西五十五里深約十丈常有風波盪

擊

蓄黎泉在州東味甘而夏極涼人多飲之



洞蓬泉在州西泉有三五孔穴自岸頭流出味清  
甘冬溫夏涼土官黃道環以竹木爲遊觀所

羅陽土縣

巖全山在縣東北

仙人山在縣南

白鶴山在縣西

權州山在縣西北

邕提巖在縣東南

馱排水自永康州來經那黃村出新寧合大河

羅白土縣

羅高山在縣南爲諸山之冠

那儉山在縣西南

小溪自山中出流過縣南至江州清水河會瀨湍

響水入大河

隴東泉流入左江

下龍司

馬傾山在司治西

叫抱山在司治南

獨山在司治東五里獨峙平原形如卓筆

獅子山在司治南九里山勢起伏如獅舞狀

壯山在司治西四里

秀嶺在司治南九十里近交阯高平府七源州界



仙巖在東門外里許石山突起巖窟清幽

紫霞洞在司南三十里大江水經其下

龍江在司南十里源出交阯經上下凍州流入繞

州前而出江口合明江入崇善界

龍泉發源上龍之古甌流入司北水清多魚一灌

入仙巖東流出青龍橋合龍江

上龍土司

花山在司治南

武德山在司治北

觀音巖在司治東

龍泉在司治西

鎮安府

文筆山在府城東學宮前秀聳如筆

東山在府東四十里奇峯絕壁高峻插天有石屹立如人狀

扶蕪山在府治東二十五里其巔可望見日出處

崇山在府東四十里層巒疊翠高出雲表一郡奇

景山設有隘名隴桑接連奉議州界

西山在府西二十三里山峯若屏夕陽返照觀之爛然奪目

鑒山在府西七十八里峯巒秀麗林木幽深石洞流泉不竭羣資灌溉原設鑿隘接連歸順州界



馬鞍山在府西三里山有神異土俗遇水旱祈禱輒靈

倫山在府南八十里山巒疊障衆山之宗樹木深密人跡罕行舊設有隘連接向武州界

馬凉山在府北九十五里山設有隘兩山相對接連土田州界

雲山在府城內衙署東峯巒秀拔層疊如雲

梅山在府西三十五里山有水源春盈冬涸

得馱山在府西北八十里山形若駝背有鞍如負

重舊設有隘接連歸順州界

天保山在府北三十里山有泉穴春夏淙淙秋冬

絕流

雷高嶺在府南八十里峯巒高聳跨連上映儼如界限

感馱巖在城西四百五十里周迴二十餘丈內有

石柱大如盤故又名盤石巖其側有鎮安洞

黑巖在府南一里石室幽深暗如長夜

馱命江在府城南東流徑奉議州界入右江

歸順江在城西歸順洞側

黑洞水在城南三百餘步洞中水長流

嘶桑泉在城西一百八十里

蓮花塘在城南澄波滄泓四時不涸



那益陂在城東三里

歸順州

照陽山在州西北羣峯聯絡惟此山高聳無路可通中開石穴虛敞清幽可坐百人外一小徑直達小鎮安界名照陽關

嶺衛山在州西高聳綿亘攔隔交趾爲一州之衛獅子山在州南二里橫卧江心二水分流其旁形如獅子鎖一州水勢

騰烟山在州西十里山勢突兀峭壁環三面舊志下有瀦水深數十丈流分三派各長一二里藏伏蛟龍水發則流沙漂石居民必沉銅鐵屑以鎮之

排磨山在州南三十里

魁嵩山在州北層巒聳拔

巖巖山在州東北嶺下有巖與府界

鵝泉水在州西南十五里相傳有異鵝攪溝水爲潭深十數丈清流環碧中多遊魚舉網不常得

流珠水在州東南下峒路旁水循山崖澎湃而下望若白練垂空卽視則水沫流濺如珠因名

龍潭水在城東北一里水自山下石穴湧出遶城而南霽雨亢暘不甚盈涸

奉議州

高更山在州西四面山巒联接東西穿徑



老坡山在州西與府連界

怕律山在州北與田州分界

蓮花山在州北形如蓮花南北路通

更梯山在州西石徑峭壁登者必架梯棧以行

破山在州南上有一徑中分山脊接土田州界

三齊山在州南接田州界

連珠嶺在州治後迤邐四十餘里

綠畧嶺在州西南與府界

右江經城北流至南寧合江鎮與左江合

都康土州

隆滿山在州後蒼翠如屏樹木陰翳

邕望山在城東石峯嵯峨人跡罕至

妙訣山在州北聳插霄漢高出羣山下有觀音閣

鼎獨山在州治西北一山獨立

鞏佛山在州治西山脚卽聯仙橋

鷓咋山在州西北

懷恩山在州治東

仙橋水在州西界連上映橋右有田泔水涓涓流

出過仙橋下曲遠州前旁匯咻灘伏店二泉注全

茗土州

伏店水出自山穴過恒建橋共注仙橋溪

咻灘水山下有潭碧澄莫測相傳有蛟龍游泳其



間逶迤經里許合仙橋溪水

鷓咋泉出鷓咋山下石穴亦名龍潭澎湃之聲不可諦聽土民不敢汲飲鳥跡亦不至

多恐泉在城南六里相傳昔有犀牛遊此居民殺之忽雷雨交作遂陷爲池中多鯉魚人不敢捕  
劄空陂在城西自爐泉水湧流築爲陂與黎塘俱有灌田之利

向武土州

獨隆山在州治前有三巖層次懸梯而上各塑神像於內名萬福寺

馬鞍山在州東形如馬鞍

武城山在州治東尖峯峭石下有小巖

塘濱山在故富勞縣西五里山勢縈紆聳秀遇朔望山峒常聞鼓吹聲下有泉流入上林土縣水中魚不可食

坡州山在故富勞縣北三里山形如虎又名虎山  
蒼孟嶺在城東四時烟霞不散

枯榕江在城南源出鎮安流經故上林縣入右江  
大旱溪在上早村山脚流入鎮安東峒經奉議吉權城頭入右江

上映土州

上莊山在州西南三十里



南嶽山在州西南三十里昔有南嶽祠每禱必應  
今圯

亭嘒山在州東南二十五里

軒山在州南四十五里

邕風山在州東城內

啼底山在州西城內

个能嶺在州東二十五里高峻矗天冠冕一州登  
之蒼翠滿目空濶無碍

邕風泉在城東邕風山下泉自穴出涓涓微湧不  
絕

秀泉在州西啼底山水色澄清與邕風合流而

南州中灌溉賴之

印塘在州衙前其塘四方如印中有一坭如印之  
有紐

下雷土州

筆架山在城東一里

地軸山在城東南一里

崇壽山在城西一里石峯特起爲州之主山

天關山在城北一里

小河一在城西北發源湖潤寨流至州前一在城  
西出上下琅夷州與湖潤水合流下安平州

小鎮安



大魁山在西北五十里崔嵬高聳衆山以此爲魁故名

末山在西三十里山勢綿亘山外卽雲南界故以末名

勞山在東北一百里

吉烈水在北四十里從山穴湧出流經數里合大魁水穿山而出與諸水同下

大魁水亦從山穴湧出

勞山水由山底而出與末山水對流

末山水由山根石穴湧出曲滙古雞隘出高平一分流出雲南富州界

湖澗寨

崑露山在寨東北十五里

寺曉山在寨南三里少西有弄仰山

弄增山在寨西北十里

扣滿山在寨北十里

小河在寨西詳下雷土州



廣西通志卷十六

山川

柳州府

馬平縣附郭

仙奕山在城西南其石黑肌而赤脉如棋盤可奕  
旁有巨人跡

駕鶴山城東南聳立如孤鶴臨大江舊有駕鶴書  
院今燬

鵝山在城西二里隔江十里水自半嶺噴出流小  
河入大江遠望如雙鵝飛舞又名深峩山唐柳宗  
元有詩



天馬山在城南近大江高數百丈羣山中獨出峻拔山有楊文廣洞俗名馬鞍山

甌山在水南山形獨立廣百尋高五丈

天山在水南村後石壁上有天山萬里四字

石魚山在城南二里玲瓏深秀內多人題咏下有龍潭

屏山在城南開展如屏故名宋陶弼有詩

奕貴雙山在城北二十里東山曰桃竹西山曰雀兒

鳳凰山在江南去城四五里

文筆山在城西二十里山勢卓立直上如筆

龍壁山城北三十里油榨村對岸石壁似龍形下

臨灘瀨宋陶弼有詩

雷山在城南夾道

鵲山在城北隅

四姥山在城西五里四面對峙

東臺山在城東下臨大江

背石山在城北

相臺嶺在城東北十里又十里曰將臺嶺

走馬嶺在城西綿亘二十餘里又一峯特起曰金山

立魚巖在江之南與仙奕山對峙深邃竒怪內有



三洞相通多名人題咏山腰有魚峯寺

鷓鴣堆在縣學前諺云鷓鴣堆起狀元歸

柳江一來自古坭一來自慶遠經柳城縣合流至郡又東南入象州界

鶯江卽峩水在文筆山下會大江

黃陂水城西三十里源出黃吉山合鶯水入柳江飛瀑水卽鶯山所出者噴薄廻漩又名長塘

大龍潭在立魚巖之南雷水出焉旱則祈雨於此有張忠簡公釣魚臺羅象三龍隱洞

小龍潭城南二里立魚巖下陸鴻漸茶經名爲圓泉

羅池城東有柳侯祠韓昌黎碑文

白蓮池在北關外池有九竅泉出其中

放生池在江之南有石壁懸出江面鐫放生祝聖之池

靈泉城西七十里不涸不流

甘井在仙奕山下隨江消長雖旱不涸

城北井有柳侯銘

雒容縣

思微山在洛清鄉去舊縣里許有甘泉四時不竭屏石山在洛清鄉舊縣西北十里峯巒高聳下有石巖出泉



龍屯山在縣西二十里蜿蜒盤曲如龍故名  
主山在北門外縣治倚之故名

雙童山在主山左

聚講山在主山右

雷村山舊名雷峒在縣北七十里

如來山在縣北七十里昔傳有神女出現頗稱勝地

平頭山在托定鄉內崙縣北八十里

大定山在洛斗鄉縣北七十里

橫賴山亦在洛斗鄉

雞站山在縣西北去平頭山十里

西眉山在洛清鄉縣東北八十五里

鷹山在舊縣城內

羅子山在縣西南三十五里

六寨山在豐軌鄉縣南三十里六峯聳峙山下有二泉湧出民田賴以灌溉

謝八山在托定鄉外崙縣北七十里

馬蹠嶺在縣南四十里

高嶺在上羅鄉縣西二十五里

大墮嶺上羅鄉縣西四十里

六百嶺在豐軌鄉縣南五十里其西十里有大河嶺又十里爲大窟嶺



丙和嶺在縣東南六十里與平樂之修仁接界  
白龍巖在舊縣東

白象巖在上羅鄉縣西七里有上中下三巖上巖  
相傳宋狀元王世則讀書處中巖有石刻白象巖  
三字又有二字如篆文磨滅不可識下洞有石刻  
天然大廈四字內大士座前有藤二本約高十餘  
丈上出石罅挺直如柱石壁刻有王相公詩

會仙巖在縣南五里蒼秀玲瓏下有碧潭

內外崗在托定鄉

洛清江在縣南自永福流入西南經江口鎮亦名  
運江又南經馬平三江口合柳江下象州

三門江在縣西自柳州來至江口合洛清江下象  
州達潯江

龍鼻江在縣西北源出柳城縣深山由洛斗鄉入  
縣境繞城入洛清江

山道江在縣東自永福來會洛清江流至三江口  
入柳江

羅城縣

鳳凰山在縣城北石壁峭立如屏山半有巖石古  
稱爲丹鳳銜書

直滿山縣東北二里許高峯矗立聳出羣山之上  
山半有洞名黃坭巖洞內塑佛像石乳倒垂涼氣



通人夏可避暑值雨瀑布如珠縣治來龍發源於此

馬山在縣南十里平地聳立羣山環繞其形如馬爲學宮向山遠望烟雲變幻

硯山在縣西里許卓立端正方平如硯從旁小山如水注後山環列如筆架

覆鐘山在縣北十里形如鐘覆

冰玉山在縣西北四十里色瑩如冰玉

葵山在城西

青陵山在縣西北八十里山勢綿亘通楚黔兩省相傳中多仙跡昔有人入山採笋遇一老人坐桃

樹下摘實啖之歸已旬餘再往不識所在

中寨巖在縣西南山極玲瓏巖深不可測高難登躋土人修石橋蜿蜒而上舊有雌雄二鐘其聲相和歲旱禱雨輒應巖中產鴛鴦石

迴龍巖在縣東南巖徑幽邃昔土人避兵內有蛇盤踞如蟒衆傷之後修溝洫不成衆始悔悟前蛇或龍也塑佛巖中洫乃成因名迴龍圳土人利之西江在縣西門外發源銀村資灌溉經西九里潛地而行至慶遠農里復出合慶遠江霑雨泛漲水壅難消冬涸橋北露方石如倉上鐫太平石三字武陽江縣北六十里發源四堡經平西高懸二里



廣西通志 卷十六  
引下流至沙拱入融江傍崗河經布政里至寨登村與江水合

聖水在縣西九十里出石硯山下

龍潭在縣東門外上有雷王廟歲旱禱雨響應

龍泉潭在縣西六十里新圍村潭深不測廣二畝

許灌田十有餘頃

柳城縣

青鳳山高百餘丈直入雲霄爲縣案山

烏鸞山在縣南二里如鸞展翅江流遶其下有潭

澄湛徹底其石多黑

伏虎山在縣北四里山形似虎

西山在縣西

筆架山在縣東十里羣峯參差狀形而名

勒馬山在縣北對江舊縣治在其麓山形曲轉如

勒馬狀

雲蓋山在縣西二十五里高大峻聳雲起橫覆如蓋

穿山在縣西高百餘丈上有一竅明朗外徹

轎頂山在城北二十里山頂如轎蓋

文筆山在縣北五里尖銳而秀有如卓筆

銅磬山在縣西北十里一作磬山又名覆釜山頂平圓倒垂故名



馬鞍山在縣西北

造化巖在縣東與筆架山並峙巖狀秀削巧若天工

龍江相傳梁時龍見於江中

馬跑水在縣西七十里又名湧珠泉舊志謂諸葛亮南征過此馬跑出泉

鸞洲在縣西北漁舟皆泊於此

融縣

雲際山在縣北十里出雲必雨有翠玉寒碧二泉  
鐵船山在縣西三十里遙望彷彿一船尾插絕頂  
寶積山在縣東五十里產盧甘石及鐵

文筆山在城南二十五里南離並峙卽古都峯

石梯山在縣東十里高數百丈勢極峻險

獨秀山在城西上有祖師臺

樂聖山在縣東六十里高於通邑諸山登之可望

柳州上有石池藏怪物

大旗山縣南二里梁吳二侯廟在其麓

石門山在縣西北十里兩峯夾峙江岸崖石峻削如門

聖山在縣北四十里有舜廟山高數百丈

銅鼓山舊傳諸葛武侯嘗埋銅鼓於此

九頭山在城西九峯相連



仙屏山中空洞有仙人石形如拱立

壽山在縣東五里有吳寶盧仙跡硃書壽山二字至今不磨

羊角山在城南中有石室敞濶可容百人

攬口山在縣西北十五里連延數十峯高千丈深林密箐間出不逞爲邑要區

天堂嶺在縣東北六十里有泉不涸

秦嶺在攬口山西高與之齊

老人巖在縣西南三里傳有老人拄杖於此登者俯視萬象如在雲際其下一巖尤奇怪蓄水澄泓淵深莫測每風雨見有蛟龍出入云

韶潭巖在縣西北二里極宏敞夏涼冬溫可坐千人避寇者呼爲小桃源

靈巖舊名老君洞上有白石巍然如列仙靈壽溪貫入巖下清響作環珮聲宋太宗頒御書百二十軸藏於洞改名真仙巖張孝祥磨崖大書天下第一真仙之巖

玉華巖在城西北四里下一石如虎上一石如龍俗謂之龍吟虎嘯稍近有洞亦曰玉華光怪陸離翠碧繡錯其右卽鯉魚巖邃壑幽秀碧泉寒冽爲帶江之源

德巖卽彈子巖產石甚圓形如彈子有石刻三字



劉公巖在城南四里舊名西峯宋紹定間郡守劉繼祖命寺僧智性闢之因名

背江洞在縣西北二十里萬山包絡曲澗縈迴中有江爲邑要害

採藍洞在縣東北四山環列洞中平地如砥石上有硃書採藍洞三字

融江卽懷遠容江一作潭江南流逕縣城東入柳城縣界會龍江至府城爲柳江

浪溪江在縣東北一發源永寧州高望山一發源義寧縣大羅山西流至縣之撫羅二水會合又西

至長安石旗口入於融江

李獲江在縣東北一名南江西北流至主簿入浪

溪江春夏水盛可通舟楫

寶江在縣東北源出懷遠縣南流入縣界折而西流入融江江深廣抵浪溪江之半

武陽江在縣南由羅城縣東流入縣界至新圍入

融江

清流江在縣南西北流入於融江

高橋江在縣南四十里發源鶯頸鎮深山東流入於融江

帶江發源於鯉魚巖清溪溶演經城北環西繞南東入融江爲縣城天然濠塹



背江在縣西北其源有三右爲思杲江左爲通道江中爲都狼江會於大約鎮南流至攬口折而東蜿蜒數十里峭壁深箐兩岸偪仄東入於融江距縣城一十五里以江在縣城後故曰背小舟至思杲江之門田都狼江之扶問淺不可進經背江崙矜獐所居險惡殊甚

回回江在長安鎮西北二十里源出大田銅鑼山東入融江

蔡邕江在縣南一里源出西崙都溝山滙於老人巖下東流入融江

靈壽溪在真仙巖內其水穿巖而流相傳老子經此以丹投水中飲者多壽

古鼎潭在城西南居半山中常聞潭內有鐘笛聲歲旱求雨輒應

安靈潭在真仙洞後古安民居白日雷震陷成潭有靈物栖止歲旱禱焉

落杯洲在小東門外世傳有異人落杯於此遂成洲

丹洲爲縣南水口

三星洲在縣南三里有三小渚如三星布列

藍洲在縣南水漲不沒昔有藍姓民居其上  
都博塘在縣西南十五里寬百畝



長塘在上團秋冬不竭

懷遠縣

武牢山在桐木村後離縣九十里其峯尖秀如削  
高出羣山上遠近皆見為一邑之望俗傳上有仙  
亭仙桃等物人着意尋之弗見又呼為珍珠山  
天馬山在縣治東雙峯平列前後兩駕縹緲相逐  
如天馬然

鳳凰山在縣東南兩山對峙如鳳

珠玉山在縣南為邑案山

掛榜山在縣治西如平頭一字又曰一字文星

蒼帽山在縣北二里

大耀山在縣北十餘里

大貴山在縣西北徭人祭瓠種所居

羣登山在大容江勇尾地

貓兒山在縣東曲逕迤邐林木陰翳西邊水出板

江東邊水出桐木合流

九曲山在下石門西山離城十餘里相傳有仙人

對奕石上有詩高萬仞怪石巉巖中流一泓碧練

千尺

龍頂山在獨崗至貴州黎平府五十里屬洪州平

價村交界

大傘山自林溪過稿舖長三十餘里山頂分界東



北水出湖廣綏寧西南水出縣界

石門山兩山峭壁對峙如門凡四一在塘窟之上

一在四江牙一在大容江一在沙坭

平山在縣北五里宋建平州卽此地

唐朝山近接笏山在縣東北一百七十五里與湖

廣通道縣分界

獅子山在軍聽潭西其山形似獅子項下繫五銅

鈴昔傳有獅子現形於此

古坭山在縣北一百五十里峯巒環抱嵐氣凝聚

舊志潯江源出焉

扶勞山在縣治北

楓木嶺在下猺龍

古平嶺由桐木過白杲延袤二十餘里中有十二盤其高萬仞

大重嶺在塘窟之北與老堡交界

天鷲嶺在河裡銅鑼交界

牛郎嶺在江邊大里交界

太白巖在下石門右相傳太白謫夜郎時登眺放咏築室於上

香爐巖在石門頂上相傳有仙人修煉於此遺跡尚存

琴瑟界離縣治四十餘里在武洛八薑進至獨崗



青嶺界在永吉上崗沙坭村對河至綏寧縣三十里與西龍交界前明於此立堡

通天寨在大營崗黃土塘北接湖廣綏寧東接桂林義寧西南屬縣界綿亘數十里其高萬仞俗呼爲都天嶺

虎石在石門上東邊一石似虎形

出米石在軍聽潭西相傳昔有道士居此石孔中自出米可食三五人

容江廣輿記作融江考貴州黎平府永從縣載有容江水出曹滴司合清水江舊志載容江出清水江由古州而達於老堡則實係容江無疑

斗江一自義寧縣灘頭過龍勝村流入一自湖廣城步縣下都乃村合沙泥水流入由古坭陳村以達潯江左右二水相關故又名鬪江

西波江在縣北四十餘里自白雉山會合大江

板江在縣北源出扶勞山入大江

古州江出黎平西苗地經石門山而南繞縣西又南入容江

田寨江在縣北三十五里由田寨丹竹諸村入大江

蕉花江在縣北出蕉花村自江口東入大江

軍聽潭在縣北三里深十數丈一碧萬頃四時澄



澈

石門潭石壁對峙如門

古坭潭在潯江中有二聖廟

老堡灘卽舊縣下自老堡右爲潯江左爲容江

馬鬣灘在潯江中最險上下用纜方可行舟

諸葛營灘在容江中直至古州接清水江

蠻石灘古爲萬石鎮今廢

大容江口在老堡對面兩山對峙有三王廟神最

靈

象州

鳳凰山在州東北北下里離州二十里山勢凌空

如鳳飛狀

白面山在州南十里橫截大江中多白石俗稱掛

榜山

象臺山在州西山下有石刻象真巖三字深處有

白石如象

石鹿山在州正東昌化里離州八十里上有鹿池

雷隱山在州東六十里下有仙女池風土記云天

欲雨則此山先有雲霧

卧龍山在州東南六十里東鄉里猗山

天柱山在州東北七十里安山里猗山

聖塘山在州東北一百二十里安中里猗山熱水



出其下相傳昔有獠人攀藤而上見一池清冷可愛內有魚鱉桃李環繞且多猿猴

五馬山在州西二里奔騰跳擲如駿馬脫韁

筆架山在城南二十里又南五里爲道士峯

石牛山城東四十里常有雲霧天晴遙見如牛形

文筆山在城西南二十里尖峯拔出如筆

石門嶺在州東十里

鷺鷥巖在州南十里有石如鼓呂景蒙名曰石樂巖

三仙巖在州北十五里

金雞巖在州治南西鄉里離城二十里內有民居

象江卽柳江流經城西溯流而上至江口分流右至雒容運江界六十里左下永福江達蘇橋

熱水江在城東北二十五里源出黃田獠流入象江

熱水江在州東北一百餘里出聖塘山下

凌田江在城東北二十五里源出濮泉流入象江

牛角江城東北十五里源出天蓋山流入象江

龍角池在北門內州署後舊立苑置亭稱名勝今燬

仙女池在州城外天蓋山

濮泉在城東四十里松檜森羅水石交映



來賓縣

龍鎮山在縣治北一里高扶雲際爲一邑之鎮俗名三台山

金峯山在縣南四十里上有瓦寺爲唐時遺跡釋氏所稱第一代祖宋紹興八年留偈此山碑尚存字跡模糊難識

石牙山在縣南四十里平地有石峻峭如牙接貴縣龍山

居松山在縣南三十五里秀出羣山號曰文筆山頂有石盆仙鯉之勝

雙髻山在城東四十里山形相對如髻晚霞朝靄掩映更佳

武神山在縣城西三十里僧武志修煉於此每出卽駕青布爲橋去地六七尺市人見而異之宋元祐初飛昇而去載一統志

龍崗山在縣西十里雨餘星曉亂雲圍抱景最深遠

思玉山在縣北四十里相傳有人得玉於此後再求之不獲因名

雷山在城北三十里

八雲山在城西十里

賈利山在城東三十里



雙泉巖縣西北一百里有泉冬温夏凉相傳昔人肄業其中常患無水忽一日雙泉湧出故名

石佛巖城西十里餘龍崗側石佛高丈許不假人工

白雲崗在縣北三十里山水清佳爲邑人遊宴之地

白牛崗在縣西南六十里中有白石狀如牛

大江源出滇南自遷江流經縣城西七十里至都

泥江口合柳江歷武宣內有蓬萊黃牛古塔諸潭

最稱險惡舟子動色相戒猶往往覆溺水入夏卽

紅頃刻漲數丈巨木枯枝與流俱下至秋深水乃

定名紅坭江

定清江源出清水堡流經縣北合紅水江

雷江源出新慶村流入大江昔有毛雷捕魚於此

因名

泮河水流經縣西合紅水江

白馬溪源出白牛崗流經縣南入大江

蓬萊島在縣治下水十里古州治所在山光水色

映碧浮青頗具勝槩

慶遠府

宜山縣附郭

宜山在府城北龍江上唐名宜州以此山舊有飛



來廟

北山在城北一里唐陸仙翁修煉於此常有紫雲元鶴乘空而下如神仙之會故又名會仙中有白龍崗潛通南山龍隱又有崔莫二仙姑煉丹所旁翼青鳥硃砂兩山巖前石若觀音其上石井曾出並蒂蓮花卽稱爲玉井云

盧山在城北二里對府治後

天門山在城北一里二峯如笋翠嶽參天亦名天門拜相山上有馮京祖塋又呼狀元山

龜山在城北三里其形似龜故名

九龍山在城西南六里山多崗竅內有石田崗口

一潭深不可測因禱雨響應立廟祀之又有丹霞巖宋刺史張自明卒棺昇於此石開自合上有丹題仙跡

南山在城南五里其巖軒敞如屋後洞曰龍隱有石龍鱗甲宛然前建廣化寺左爲白雲巖係盧僧德洪脫化處又有宋真宗御書閣旁建三賢祠祀黃太史庭堅余襄公靖馮三元京東畔石鐫余襄公留題真跡

日山在城東北二十里隔江與月山對峙以其特立而圓故名

月山在城西二十五里其形肖月風土記云東有



日山西有月年年征戰無休歇幸得西水向東流  
世代永無憂

鶴山在城東南二十里上有石色白如鶴

鰲山在城東南二里

大號山在城南二里高可遠眺上有宋趙清獻公

放鶴亭故址

文筆山在城西德勝鎮挺秀如筆突聳雲端

屏風山在城西八十里巖貫胸腹上有道觀梓潼

閣懸梯方達

香爐山在德勝鎮西鼎足屏風文筆二山

羊角山在河池所西五里其麓有宋楊文廣故壘

大曹山在城東四十里

小曹山在城東二十里

九子山在城東二十里九峯排轟鎖龍江水口一

名九頭山

青鳥山城北一里會仙山東相傳古有青鳥飛至

產異草

朱砂山在城北一里北山之側

桃源山在城南三十里係吳仙葬處

鐵城山在城北二里

馬蹄山在城南三里形若馬蹄

壽山在河池所治東北有三寶寺朱僧脫化處



韋家山在城西四十五里

獨存山在城西七十里

謝表嶺在城西五十里傳楊文廣得勝回朝於此拜表故名

棋盤嶺在城西八十里

冷煖巖在城北一里洞達山腹前冷後煖

青靈崗在城東二十里

古城崗在城北青鳥山後一名紫霞崗崗七曲有

文昌像

觀崗在城西二十里其崗靈異有西原太子祠

龍江石筍嶙峋灘門險激發源貴州都勻府自獨

山州流入經府西北諸蠻崗會思荔諸水東南流至縣北折而東入柳城江匯融象下潯梧水勢宛轉如龍故名

小江在城東北六里源出天河合龍江下流

洛蒙小江在城南六十里流入龍江

流馬江出永泰里山洞東北流合龍江

默流江源出龍門水由地行至雒目里黃猺里主寨黑洞四分獨山中通馬泗東流彭嶺灌養三處之田

飲軍池在城西宋軍校陳進叛圍城久涸一旦復湧居民賴之曹利用飲軍於此



放生池在舊城東門外卽古樓塘宋時凡遇聖節買生物放之以祝無疆故名

龍泉在城南二里其水重於他水黃山谷稱之果然故又名重泉

蓮花塘在府學前

龍塘在府城南二里旁有龍母廟

宜江井在城內城隍廟西與龍江水相爲消長

河池州

智山在州城南四里高聳入雲西連吳山筆架三峯並峙唐時建智州於此

火燄山在州城南五里其上一石宛如紗帽又名

紗帽山

鳳儀山在城北四里勢極險峻州治半枕山麓

屏風山在舊州城北峩峩環繞如屏之峙上建觀

音閣山半有泉盛夏溢流今泉仍而閣廢

四一山在州北五里近州舊治倚屏風山

馬鞍山一在州城西北三里一在州西南一百二

十里那龍河出焉

東山在州東四里挺然獨立又名樂教山

智州山在城西四十里盤紆綿亘唐建智州因以名山

太平山在城東五十五里金城江邊石上鐫有天



下太平四大字

鬼人山在州東三十里內有深巖嘗吹響器路旁有石棋盤仙人腳跡相傳曾有仙人於此奕棋楊村山在州東南十里有巖曰龍巖洞口甚小止堪一人出入內寬濶深遠可容萬人有石成龍形鱗甲光亮如金色又旁有石佛名曰佛巖

吳山在州西離城六里

移嶺山在州北七里崖岫最爲峭拔

劍甲山在州城南一百十里下岳村小路西通鴨  
崗

洪鹿山在州城南九十五里

邕帶山在州城東九十五里古雲里東通安定司  
振人山在鎮南里洪鹿山之南洪龍江出其下  
定南山在板村去城南百二十餘里相近爲乾山  
都銘山在州城東二十里舊名都猛隘  
雷山在弄郎村與邕上山相近接東蘭界上有關  
堡

魚躍山舊州城東北一里稍南有新月山祥雲山  
三山並列蒼翠鬱然

北會山在州城南一百二十二里

白馬山在州東二十里

邕上山在州城南一百二十五里九門村北



天馬山在城南近接劍甲山

鼓兒巖在州城東五里巖甚深邃內嘗聞鼓聲

金城江在州城東五十五里自荔波縣流入宋置

金城州卽此江南岸石名喇街東里許有石如盤

南來溪流其上日夜鳴嘯

靈淺江在州東南源出鎮南里合洪龍江

洪龍江發源振人山東流入永順合刁江

那龍河在州南百餘里源出馬鞍山流入永順司

合刁江

喇索河在邕學平村西通大郭村

秀水在州治前東流繞十餘里伏高山下至六甲

里復湧出合金城江

猫溪水在州西南源出高峯坑東流合秀水

古浪溪在州城東南二十五里一名乾溪渡折西

卽三旺大路

白崖飛泉自州西南四面入山又西三折而至白

崖北面高可二十丈泉自崖半掛下如疋練北流

過州而東卽秀水

天河縣

甘場山在城東二里形如幞頭縣治依其麓

鳳凰山卽鳳頭山在縣東三里其形似鳳昂首

東山在縣城東一里石壁峭立儼如屏障縣之龍



脉發源於此

榜山在縣西三里形如掛榜

南山在縣南二里與東山對峙翠矗危峯高出羣表其上有泉甘冷

穿山在縣城西五里石竇中空故名

獨俊山在城北二里山峯秀靄挺然獨立不與衆山連故名

交椅山在縣西三十五里其狀似椅

文峯山在城東十五里高聳接天啓通邑人文之秀

高寨山在縣城西四十里峭壁危峯洞門軒豁

石獅山在縣北二十里砥柱兩江形如獅子

北陵山在城西十五里山麓有水泉澄澈昔吳生師事陸仙翁修煉於此

烏山在縣城西峯巒高峻頂有泉居民曾因險築寨於上相近者曰聖水山

植福山在縣東北二十里山勢高聳綿亘數里縣之鎮山

聖水山在城西三十里

涵樂洞在城北一里深邃可避炎暑有石如鐘鼓扣之則鳴

龍門洞在歸仁里水通下流望之如天門洞深奧



杳不可測

喇冲洞在縣城北三里外敞內深中有清泉四時不竭其下有龍潭禱雨立應

通天洞在城北三里四面昏黑翠壁蒼然惟中一穴通天故名

容樂洞在城西十里景奇而秀路險而安遊人樂之

三崗在城東三十里稍南有黃甲崗

九龍江在縣城東二十里源出龍泉勢如九曲聯珠歲旱禱雨立應

東北小江在城北二十里一自三崗一自黃甲崗

發源合流入小幕寨麓注爲縣北江水

三潮水在縣城西十里水從巖際湧出一日三潮來則漲滿退則其流一線可以灌田民受其利因名聖水立祠以祀之

思吾溪在縣東南二里流入宜山縣合小江水入龍江水聲晝夜不絕春漲尤甚

思恩縣

旗山在縣城東南十里

紺山在縣城北三十里以其山色名一名扞山謂可扞蔽縣後土人以山嶂重叠日光罕見故又名曰暗山



龍門山在縣南五里峯巒聳秀雲霧朝興靈雨時  
應祈禱歸焉

嘯山在縣西四十里巖竅玲瓏風響谷鳴如長嘯  
然

修煉山在縣南十里相傳唐時陸僊翁修煉於此  
三峯山在縣東二十里三峯並列下有石巖洞寬  
五六丈泉自中出引流溉田

覆斗山在縣城南二里

三僊山在縣城北四十里

入懷山在縣城北八十里

望峯在縣城東一里枕脉寒坡嶺迤邐而下高登

遠眺帶水千峯歷歷在目舊有文漪亭

天門峯在縣東北二十里萬峯襟帶惟此最爲峭  
拔山腰一穴如門橫深三十丈有石柱如龍形天  
欲雨則水如注俗云天門洞道通一線攀緣而上  
內可容二千人徭民恃險常避亂居之

疊石峯一名斧劈峯在城北二十五里如片石層  
累高可千丈

米嶺在縣城東三十里爲入縣門戶諸峯羅列如  
聚米狀上有老鼠隘高五十丈險窄莫比

寒坡嶺在縣城東五里入縣孔道高可二百丈舊  
志名寒山土人云寒坡以高峻多風炎方行人宜



之

回頭嶺在縣南三里其勢北旋如顧縣治

覃嶺在城西五十里

龍巖在縣城南五十里有洞深邃

環江在縣南六里流經縣西又東南入宜山界卽

龍江上源唐環州舊治在焉

帶溪在縣北四十里源出荔波其水旋繞如帶南

流入龍江中有砥柱石

中洲在縣東北一百五十里平行一大沙洲如海

島

漣漣泉在縣西五十里水不常出行者遇渴求飲

佇立呼之乃出

東蘭州

思榮山在州東三十里

真武山在州東三十餘里紅水河東岸

都夷山在州東三十五里高峯插天最爲險隘古

稱都夷縣以此

青雲山在州西四十里

雙鳳山在州北二十五里

福山在州北三十里

印山在州東三十里

隘洞水在州東北卽紅水河又名烏泥江自那地



州流入又東南經思恩之都陽安定諸司入忻城  
界水勢洶湧昏黑直等黃河

荔波縣 雍正十年  
改隸黔省

方林山在縣城北三十里山峯層累

永長山縣城東北六十里山勢綿亘

水巖山在縣西五十里下有水從巖中出四時不  
竭

白崖山在縣東南舊縣城東

分水嶺在縣北與貴州獨山州分界

勞村江一源出古州苗地流入縣之鷺甫由周覃

水春舊縣巴灰董界匯歸勞村歷一百四十里一

源出黔省爛土司流入羊安由方村新縣冲芒匯

歸勞村約二百里並皆峭石險灘不通舟楫由勞

村合流暗入山巖抵思恩縣界徑達金城下龍江

那地土州

虎山在州南十二里體勢蹲踞如虎相近有兜婁

山又南三里曰紅山

翠靈山在州西四十里

翠屏山在州北七里危巖峭壁高入青空

巴羅山在州西六十五里有水出其下曰巴羅江

掛榜山在州東六里形若張榜

馬山在州治西



屏風山在州東南八里

感見山在州西南五十五里

唐帽山在州東二十里

感安山在州東十三里

折登山在州東北二十里

登龍山在州東北十里又二里曰巴陵山

屏山在州西十一里

暮曉嶺在州西五十六里左襟巴羅右帶紅水

懷峽嶺在州西六十里

磨石嶺在州北二十五里

黃花嶺在州北一里

方環嶺在州東北二十里

疊方嶺在州東北十五里

龍泉寨在州西八里有龍泉入烏泥江

思廉寨在州西四十五里烏泥江右畔

丹州寨在州東北六十里

烏泥江源出泗城流經州境一百六十里入東蘭界

平細江源出翠靈山合烏泥江

巴羅江源出巴羅山巖合烏泥江

南丹土州

金雞山在州東二里蒙寨南紅盆之水三面經流



迤邐過北

長春山在州南三里層巒連蠹又爲青雲峯青雲之水出焉

三寶山在州西三里

秀靈山在州西二十七里奇峯怪石傑出巒陬

孟英山在州西三十里產銀砂明時曾開礦旋罷役

都利山在州南二十五里山泉飛注爲大江源

蓮花寨在州西南九十里

岵峩寨在州西一百二十里山峯危峭斜接泗城思恩邊境要害

紅盆水源出秀靈山下過金雞山至沙界坑二十里入山而沒

大江水在州南二十里發源都利山流下大山入河池州界

青雲溪在青雲峯下過大橋與紅盆水合東流入山

忻城土縣

龍塘山在縣西八里山有塘龍常潛此

疊石山在縣北四十里層次岩堯石如累砌

馬鞍山在縣北三里形似馬鞍

張帽山在縣西十五里



夜崗在縣東十五里有巖深邃不透日光故名

黃泥崗在縣北十里

烏泥江在縣西六里自東蘭經安定夷江流入縣境下遷江

東蘭土州

十八鶴山在州東三十里

九曲山在州東三十五里

九曲水在州東北源出九曲山繞銀海池下合紅水河

銀海池在州北八十里

永定土司

頭盛山在司東南七里半山有數白石懸巖前形如頭盛

石魚山在司西二十里有石如魚形

旗桃山在司北十里

莫往崗在司西南八里峯巒險峻

清潭崗在司東北二十五里

小水源出永順土司流經司境入忻城界

永順正土司

高椅山在司治前高聳約百餘丈

多靈山在司東北八十里突然三峯有飛泉石印仙人足跡大如箕遠可眺數百里有羅漢巖四時



廣西通志 卷十六  
花果異桃一樹人可食不得懷歸有泉隨飲者之  
數不盈不涸尤爲奇異

七星山在司東南三十里

清遠峯在司北十里景物怡人翛然塵表

刁江源出河池州三旺流經司境會合烏泥江

永順副土司

卧虎山在司北十里其勢蹲然宛如虎卧

天馬山在司南一里其狀如馬

回龍山在司南一里其形如龍故名

小水一自羅城縣孟江口一自柳城縣西山一自

思營里流入至司南合流又南經宜山縣界入龍

江

廣西通志卷十六

廣西通志

卷十六山川

三



廣西通志卷十七

山川

思恩府

蜿蜒山在府治北山勢起伏環抱府治四時蒼翠如畫屏中有仙巖又名筆架山

獨秀山在舊城東一峯特立不與羣山相連

大明山在府東高峻綿廣界抵上林武緣

崇武山在舊府西北高峻爲一方巨鎮

將軍山在舊府西遠望如武士特立兩峯峙其左右

獅子山在舊城後形似伏獅前有圓阜如毯



仙女山在舊府城中前有池其水光如鏡俗云仙女照鏡

蓬山在南海里下有碧泉

安山在城北十里郡治屏障土人云暗山

仙跡山在南莊上有池水

人影山在紅水江之右半山石壁上若有人影

定武山在府東南與教場相對

三寶山在舊城西

三台山在舊郡學宮後

鷹山在舊城西北臨江屹立

玉印山在府城東四十里石山森列攢聚中有方

平如印者上附一小石龜如紐然壁間有古刻砥柱二大字又玉印二字乃知府吳鼎鉉所題土人因以名山達泉出其下

靖遠峯在府東北八仙堡明弘治中官軍討岑濬登峯頂以望賊氛事平因名

天鳳嶺在府東門外勢起如鳳

黃嶺在府東四十里爲武緣縣發龍之祖

琥珀嶺在府東四十里山頂雲覆三朝卽雨

璞嶺在府東四十里形如覆鐘

滴玉巖在舊城西

通天巖在舊城西



栖霞巖在舊城西門內巖中虛敞烟霞隱映

白雲巖在舊城東北十餘里有泉自巖出流成溪

澗

獅子巖去城十里山勢蹲踞如獅子巖洞玲瓏石

乳凝結物象不可名狀東南絕壁有烟霞深處四

大字筆力遒甚不知時代南面有清虛洞三字西

南有別一洞天四字稍內有陽明先生過化之地

入大字皆蒼老爲明人書又洞側有小石巖刻藏

真石室四字乃蓮花峯山人筆題咏頗富皆在懸

崖莫能探記

牂牁江一名右江發源雲南由剝隘流入土田州

經奉議上林下達南寧府與左江合下廣東入於海

紅水江一名紅江河發源雲南由西隆州入界經

泗城東蘭等境自羅墨渡出流慶遠府與柳江合

下潯州與左右兩江會流

府江自府東西二溪發源流白范村下與武緣縣

西江合流

馱蒙江源出那馬司界閩標嶺東經鷹山下至府

北四十里亦曰清水江又東北入紅水江

東溪發源自府東北流繞城東與西溪合流

西溪發源府西北至城南與東溪合流入府江下



武緣

通津水出城中合裔利達清水江

達泉在府東四十里玉印山石澗直達大鳴山崖故名達泉

湧泉井在城東北三里水出小阜一日三湧味甘可汲名曰惠泉

武緣縣

大明山新建伯王疏草作大鳴山又名鏤鄒山一統志云延袤三百餘里武緣諸山最高峻者此爲首上有風穴下有廟甚靈

伊嶺山在縣南三十里樂昌一圖有村墟上巖洞

極深邃宋嘉定間周師慶結菴修煉坐化巖中有古刻詩像銘贊後人題曰望仙巖

起鳳山在縣東南十五里突起兩峯軒舉如雙鳳上有飛來寺古刻石上蓮花字跡尚存

暗山在縣南三十里兩山相夾林木深阻昔儂智高嘗結壘於此

思鄰山在縣東十五里昔有何鄰得道百餘歲隱此山後不知所適人思之故名

黃道山在縣北二十里有巖黃道人修煉於此鄉人立觀祀之今圯

帽山在縣南一十五里其形如帽



郎山在縣西北六十里狀如人立

都決山在縣西六十里嶙峋高峻登之可遠望又有房山耳山俱在其下

崢山在縣西北七十里上有泉甚清冽

榜山在縣南二十里形如掛榜

武臺山在縣東四十里形如半月爲諸山之秀

茅山在縣西三十里

潘山在縣西六十里山頂突出二石狀如人立中有泉不涸

華蓋山俗名邕徧山縣西七里有巖曰感仙巖中甚幽敞

劍脊山在縣西北六十里狀如劍脊中有隘路

南山在縣西北一百三十里三潮水出此

獨秀峯又名印笏山在縣南五十里突起一峯如筆高數十丈

高峯嶺在縣南五十里嶺南爲宣化縣界通南寧要道高二百餘丈周一十五里山峯險峻路徑崎嶇

國朝康熙年間思南協副將王三華捐俸修平行旅稱便

天井嶺在縣南二十五里山頂有井相傳儂智高戰敗崑崙西奔人馬俱渴跑石窩拔劍穿之水出



劍痕馬跡尚存泉名天井泉

紫金嶺在縣南二十里有儂智高營壘遺跡嶺傍掘井得古藏紫金故名

長嶺在縣西十里路平如砥

韋公巖縣東一百里相傳韋將軍征蠻有功終於此鄉人立廟祀之

仙女洞在縣西南五十里樂昌四圍石巖深敞三面皆石壁上有古題朝天巖仙女洞六字墨跡猶存

七星坡在縣南三十里形像七星

南流江源出大明山之淥黎由歐村韋村合下沙

博澁二水經綠布江口下黃下洞會西江出宣化入大江

西江源出大明山之劍江流五百餘里至縣西門通舟楫會南流江至隆安縣杜柴村分界至江口合大江

那楞江在葛墟北紫金嶺右流出鄧橋會南流江靈水在縣南二里江底平石源泉湧沸夏月江漲潦濁獨此水清澈日光薄射五色晶瑩上有元帝廟祈禱輒應一統志云昔有靈犀出岸頂有光彩故以靈名水口出南流江

三潮泉水縣西一百三十里源出南山前有廟相



傳當年水一日潮汐者三

啼排水在縣東北十五里由黃道山流出東橋會

南流江

龍窟在縣東四十里深不可測土官岑瑛砌石城立廟其上一名羅坡潭

潘山泉在縣西潘山下泉流滑滑四時不涸

應衆泉在六楚橋西通縣之永寧路

楞色泉在永寧境四時流注清澈不竭

楞環泉在永寧七圍中多魚

布雍泉在葛墟北水色清綠如錦相傳宋治平中下有伏龍一日雷震石裂龍忽飛去

水提井在近蘇村水出石竅中澄泓如鑑

賓州

南山在州城南四十里爲州治案山

馬碑山在州城南二十里上有鍾馗遺像

金雞山在州城西二十里相傳昔有金雞棲此

石壁山在州東三十里

白羊山在州東與石壁山相對

仰婆山在州城東北約三十里

領方山在城東領方古郡縣名因以名山

仙影山在州北傳有二仙女遊此

武淥山在州南



雙山在州東兩山相對

古漏山在州西四十里有泉如滴漏四時不竭  
鎮龍山在州東南八十里高出羣山綿亘百里  
登臺山在州西南八十里高聳爲諸山之望又名  
天柱山

銅泉山在州東十七里下有神祠

羅鳳山離城十里形勢如長蛇卽州之後屏山

社留山在城南七十里

淶里山在城南六十里

馬鞍山在城西五十里形勢如馬鞍

圓珠嶺州南門外大江環流其下

勒馬嶺在城北三里又北二里爲斷嶺

銅鼓嶺在城東南三里

青嶺在城東南四里

相思嶺在城西北三里

南蛇嶺在城東北十里

廖平巖在石壁山旁清勝奇絕昔傳釋氏六祖常  
憇巖中

甘村巖在州西南二十里中極幽深下有潭水

葛公巖與白村巖近石壑深邃晉葛洪曾遊避暑

白村巖在州西南舊傳巖中有道潛通武緣今塞

李依江在州城東三十里源出瑯琊鄉



武陵江在州東南三十里源出武淥山

臨浦江在州西二十里北流入思覽

丁橋江水一自州南淥塘山一自西南上林界山

穴俱係細流下至丁橋塘滙爲一江流出簡村

思覽江一名四覽江賓水卽此在州西源出大明

山細流過邦光隘近鄒墟小舟可入

東恢江水自州南馬頭寨小流出武陵三團下注

入江

官橋江在州東細流下出陀山村合膺埠江

膺埠江源出州東南鎮龍山細流經雙山下至龍

龔團曰龍龔江再下至膺埠團卽曰膺埠江東出

合鄒墟大河

古漏水在州西源出古漏山下流合賓水李依江

入都泥江合大江

寶水在州西南三十里源出上清里北流經州東

入思覽江卽賓水支流

馬潭塘在州東二十里遇旱禱雨於此

白鶴泉在州南三十里源出南山

鯨寨泉四時常溫

遷江縣

掛榜山在縣東半里過江東岸形如掛榜綿亘十里爲一邑屏障



淡竹山在縣南八里

印山在縣西過紅水江三里形如金印特峙爲邑後峯

鷓鴣山在縣東南過清水江十里山形如鷓鴣巖谷險峻樹木叢雜亦名白鶴山下有洞曰白龍洞相近曰佛頂山

紗帽山在縣東南過清水江六十里與貴縣交界內有巖可容百人舊爲大林諸賊伏匿之藪

古黨山在縣西五十里唐書有黨州卽此

萊山在縣東南五里

雙髻山在縣南十里兩峯並合

泊艦山縣西北三十里石筍奇特行舟可以駐觀

鐘山在縣北一里下有巖

芭梧山在縣西南三十五里

永昌山在縣東北四十里

烟合山在縣東北二十里時有烟雲變幻

虎山在縣東北二里

寶積山在縣東疊石崔巍不通道路山頂稍平鄉人常依以避寇

甲山在縣東北五十里

朝山在縣西四十里武節水出此

石牛崖在印山側相傳有牛盜食橫州永淳田稻



夜盡百畝土人跟隨至此牛遂隱入石壁乃募匠  
煮油且淋且鑿石裂牛現碎之今牛跡油痕尚存  
遇仙巖在印山半腰巖口僅方丈光明再入則幽  
暗傳有樵者避雨見三仙相奕遂構亭名曰望仙  
土人或有災禱禱之輒應今廢  
瓦山巖在縣西十里卽龍江縣舊址上玲瓏光徹  
可容百人下勢平坦堪居牛畜民環住山下凡有  
警卽入巖避之

黑崗巖在縣西南四十里不甚高有路可通石筍  
林立傍一石盤玲瓏奇巧池一時有金色魚土人  
欲鑿其盤忽見巨蛇蟠蟠人莫敢近又一石磬扣

之清響可愛凡遇蚺蛇出曝年必旱每以此驗豐  
歉

鴛鴦窩在遇仙巖內幽處產石有雌雄不可以火  
取伏行暗捉或一二對回磨如錢厚見黑點卽止  
將碗貯醋雌雄各一方徐徐近合因名相傳婦女  
佩之不孕

清水江源出上林至城東北合紅水江流下來賓  
達潯梧東粵由江口轉江通桂林柳慶其魚梁灘  
最險大船難進小舟僅可達上林鄒墟

紅水江亦曰都泥江源出貴州穿山瀉至城東北  
會清水江合流而下秋夏水紅黃難飲春冬水清



上有灘十五處高險無比

北三江在城東北五十里一源出忻城土縣板黃村一源出北三牛蠟村至那寺村合流直下其北三各村環兩岸居民多引以灌田入紅水江下來

嶺

龍降江在縣南二十里一源出自上里石疊村一源出自中流村至清水江合流而下相傳白龍下飲因名

賀水在縣西南四十里源出邕梧山又武繩水在其北源出黑洞巖皆東入清水江

武節水在縣西南八里源出朝山東流入都泥江

黃牛灘去文輝塔下水七里紅水江中突出一石如黃牛沸浪潑天舟行稍不慎輒壞

白瀑灘去文輝塔二里源出北四感舊村至剝峽山會紅水江合流江口灘高丈許水勢飛奔驚濤虐浪形如瀑布

銅鼓灘卽黃牛灘尾也水甚險右岸一石水洄擊之如銅鼓聲

北府淵附城東北隅卽清紅水分界之處上有灘頗險下卽深淵灘上每年水漲堆沙成坡如傍城岸則來歲主豐或傍榜山岸則來歲主旱土人常以此占驗



上林縣

鑊山在縣西南傳云昔有樵者入山得古劍因名

羅艾山在縣南二十五里突兀巉巖昔傳羅艾入山採茶遇仙於此遂移妻子家焉

八角山在縣北五里一名扶嵐八山分蠱

雲陵山在縣東唐邑人盧六修道處

羅勾山在縣西六里山勢盤曲如勾

思鄰山在縣西十二里道者何鄰嘗隱此詳前武緣

雙山在縣東二十五里

獅山在縣東與螺山隔水並峙

螺山在縣東五十里平地特起旁有獅螺江

古淥山一名古麓在縣西南二十五里上有石壇號仙殿宋雍熙中有盧氏登山採藥遇仙於此下有古淥水

磨山在城東四十里

石光山在縣北十里日照山石有光

茶山在上林鄉產茶味佳寰宇記謂之都茗山

馬陂山在縣東四里北江徑其下

金雞山在縣東南六十里

羅密山在城東四十里



文梁山在城東四十里

旗山在八寨

雞籠山在城東南

止輦山在縣東平地突起圓阜形如輦

高眼山在城東南其山最高林木深鬱

大明山舊志作天明山在縣治之西延接武緣層

巒插霄青翠奪目飛瀑懸崖人跡罕到爲邑之靈

境盧莫二仙化身其上

石篷山在城東南中有巖洞容數百人小江穿石

罅水清碧多魚

魚峯嶺在縣東

爭光嶺在縣東一名章光嶺俗稱嶺夜有光與大

明山相映故名南北二江合流其下

莫山巖去縣四十里內有潭

羅洪崗在縣治東北爲前賢羅洪隱居修煉地崗

內石臺石床古蹟猶存距城八十餘里接遷江之

毛崗

智城崗在縣東二十里唐韋厥隱居處

白雲崗在縣北三十里宋白雲先生韋旻居此

巷賢崗城南四十里

南江自大明山發源而來至章光嶺與北江合流

東注於澄江



北江距城四里自古零土司發源歷十五里與南江合而東注其水滌洄曲折由鄒墟達遷江里仁江在縣北十五里周江之水 downstream 與合入馬陂

周江在縣北二十里源出茶山

黃龍江在縣北源出羅勾山

馬陂江黃龍江水下流經馬陂山陰曰馬陂江案舊圖志皆北江

澄江在縣南二里源出大明山入馬陂唐澄州以此名

樊廟江源出淥七隘東北流至縣東三十里匯流

入大江

龍母江亦名龍馬江在縣南三里源出高眼山

化龍江在縣南八里源出淡竹山亦曰淡竹水亦曰單竹江會流馬陂

周利江在縣南十五里源出縣西南界與化龍江合流入馬陂案舊圖志皆南江

明鏡湖在縣南其水清澈亦入馬陂江

田州土州

雲甌山在州西北其形若甌

八面山在州西周圍多樹木

萬山在州西峯巒層峙溪壑連綿數百里



屏風山在州西峯巒排列若屏

鞏山在州東北羣山對峙若門俗稱門爲鞏故名  
鞏山

隆山在州治東北百里田之高山惟此爲最

邕馬山在州北峭壁上一微徑有石穴十二清泉湧出

橫山在州東南十里山勢蜿蜒橫亘故名

烏龍山在州治東北二百五十里

邕野山一名邕社在州西北曼衍而東連亘百餘里

飄嵐山在州北九十里其上有泉

縣山在州北一百二十里里定之水穿其中以出

剝沛山在州東南四十里剝沛之水出焉

那兔山在州西南二百五十里那兔水出其下

卜崗在州東北一百八十里卜水出焉合篆溪而注入紅水河

扶頭崗在州治西南二百里其中有泉

罕豈坡在城西二十里明岑紹建嘉樂亭於其巔  
今廢

巖長坡在州西南一百四十里上有泉

右江由雲南富州東流入州境至百色市合泗城水又東合砦歐溪又東經州治西繞南又東合練



廣西通志 卷一七  
溪又東入上林界

紅水河源自滇中由泗城那地東蘭繞州東北界萬洞溪在城西二十里其水深濶居民常漁於此若溪一名馱命水源出鎮安府由奉議州流入州東南界注於右江

砦歐溪源出萬山西南流注於右江都陽安定諸土司下遷江又泗城水源自泗城府流入州界至百色注右江

那兔溪源出那兔山西流注於右江

剝沛溪源出剝沛山北流注右江

練溪源出武龍山繞州治西北注於右江

冷水溪源出隆里山西流百餘里轉南合練水注於右江

隆溪源出隆里山東流注於紅水河

里定溪源出里定山東流合隆溪注紅水河

篆溪源出東蘭州由篆里東流注紅水

那霸泉在州西五十里四時不竭

沛瀾泉一名皮瀾泉在州東一百里其味甘冽

礪坡泉一名大篤泉在州治東八十里

罕豈泉在州治西二十里

那冰泉在州西北十里

上林土縣



那造山在縣南山勢層層茂林叢棘鳥獸所居人跡罕至

筆架山正東離縣署二里

局豐山在縣東七里

隴坡山在縣東十里

邕暗山在縣東十里

琴地山在縣東南十五里

感錢山在縣南二十里接果化州界

枯陋山在縣西南三十里上有小池水清如鏡四

時不竭與佶倫土州接界

蓮花山在縣西南三十里巉巖峭壁遠望如蓮花

雷矮嶺在城西山巒高聳東西穿徑皆黃茅青草行人無所安憩與向武分界

質利嶺在縣西南山中無樹木

懷喜嶺在縣東南無樹木

平葛嶺在城西北又表割嶺在東北與土田州分界

右江自百色田州流下經縣前歷果化隆安至南寧是爲左江右派故曰右江

大含溪在縣北源自向武州流入境東注於右江大羅溪在縣南源自向武州流入境注右江

白山土司



九兒山在司治西遠望如嬰兒排列

獨秀山在舊司治之東接武緣界詳前

筆架山亦在舊司治東起伏三峯如筆架形

九娘江在司東南相傳昔有九女渡江驟水衝去  
因名

小溪在司治東源自下旺地方流至秋冬淺涸春  
夏泛漲

興隆土司

掛榜山在司治北二十里平遠蒼翠狀如懸榜

旗山在司東三十五里石壁上傳有羅隱題刻旗  
山帶水四字

暗山在司南六十里林木深鬱舊傳雖晝行必以  
炬炬滅則暗如黑室

雞籠山在司治西南三十里昔人見有雞棲嶺上  
天將曉輒鳴

七首山在司西二十里高嶺峭壁起伏七峯似七  
人首相傳古姊妹七人學仙於此冲舉而去

鳳凰山在司西五十里山勢翩翩宛如鳳翥

黃旛山在司西二十五里一望黃色如樹幟然

清水江在司治東北自安定刁河隘流下合紅水  
江一線澄清水色不雜

七首水在司西南從七首山下流入紅水江



雞籠水在司治南水自雞籠山下流入府城河  
那馬土司

岵旦山在司西北十里峭壁插天中有石洞幽迥  
俗祀真武於內

文胡山在司南五里尖峯突兀連接武緣岵頓村  
峩山在司西北十五里

蘇埠山在司西南五十里

闡標嶺在司南四十里與武緣之永寧地接嶺勢  
高峻

六部嶺在司南十五里接白山思黎城山勢高大  
超出羣峯

砦崇嶺在司北一里山勢嵯峩如屏障

穠企嶺在西城十五里

穠企水自石穴湧出由上下馬安城頭流入舊城  
岵橙村春夏汎濫田畦多資灌溉

峩山水發源石穴逶迤而下至淥都城頭與蘇埠  
水合流

蘇埠水水從坑塹仰出流至淥都城頭與峩山水  
合遶周鹿城頭東出興隆界入紅水江四時不涸  
田無旱虞

定羅土司

感土山在司東北五十里秀麗清幽中有巖穴若



有風雨其頂先出雲氣遇旱歲人皆仰占

獨鳳山在司治北三十里形如孤鳳

將軍山在司北三十里一峯高出怪石巉巖與那馬交界

三架山在司南三峯尖聳形如筆架故名

大成山峯巒秀拔峭立雲表樹木蒼鬱司治建其下

羅漢山在司治北屹然聳峙石壁間刻有羅漢山三字內有羅漢洞及大士巖詩刻甚多

玉屏山在司北二十五里四面削立高可百仞

中天嶺在司西南二十五里高約百仞頂上有泉

橋傍水源出中天嶺北經損城頭東出鞏橋又經傲城頭之東與架溪合

架溪在司北三十里自舊城司流入經架城頭南又東經傲城頭北折繞出那馬司界入紅水江產溪自舊城司流入經鐵鎖橋折而北經凌城頭又西至傲城頭與架溪合

舊城土司

八峯山又名元武山在司城內

朱雀山在司治前尖峯獨聳明岑瑛書悅服二字刻石

嶮巖山在司東北層峯磊石下有泉源



馬感山在司西南石巉巖有湧泉

嶺藏山在司西

嶺巉水源自嶺巉山下一石池仰穿而出秋冬稍淺春夏漲溢漫流入馬感山

馬感水源從馬感山下石穴湧瀉四時不竭流出都陽土司界

下旺土司

蓬山在司後與城相連屏翰司治崖半有觀音閣大王山在司治左層峯插霄

波炭山在司西南有泉湧出日每三潮三汐壘石山在司治左石壁巉巖

鬼山在司北深林岑鬱有泉湧出於下

崇峻嶺在司治前山勢高拔

穠穰嶺在司治北出磨刀石

淥勞水在舊司治源出淥多山

波炭水源出司西南波炭山下流入舊城土司

穠穰水在司北源出鬼山經司治左與波炭水合流

安定土司

砦油山在司治西北二十五里山勢崔嵬干霄傍有石磴嶽崎可梯而上好事者登其巔往往見畧宇臺榭城門啓閉在依稀間內金銀器具輝煌心



目稍萌覬覦之念則陰霾四起雷雨交作凜然不敢仰視匍匐而下天氣清爽如初歷傳此山爲昔蠻王岑順屯駐之地歿而爲神故有此異

隴茶山在夷江洞內

夷江洞在司東一百五十里由匹夫關險仄盤旋始達其地洞形條直如巷中瀉小水前橫大江

夷江水自東蘭發源入司境由山根湧出流入大河

紅水江距西四十里橫於司治之南冬涸濶僅十數丈霖雨則汎濫汪洋不可度擬通河皆赤上下俱名紅水江惟司之刁河隘地透出一線清流不

混爲清水渡一河兩名亦可異也江水來自田州多從山竅潛透難通舟楫其源有云自黔南鐵鎖橋來者去則由慶遠之羅墨渡經忻城遷江來賓而歸右江

韋太村水在司北五十里一水泓然仰出莫測其源

都陽土司

崗層山在司治北十五里山勢高大起伏如虎下有崗巖遠望重巒層疊因名

且山在司西北十五里山下有洞虛敞清幽怪石林立有石筍石座等異相傳昔有樵者遇綠衣神



人於此端拱對語須臾不見至今遺跡尙在遠望  
婷婷獨立如人

強山在司南一百二十里峯巒高聳下有石巖相  
傳羅隱曾居此題刻順山隱巖四字故又名順山  
邕造山在司治後山勢如屏

六婁山在司南一百二十里一峯矗起

紅水江在司治南二十里水急山狹土民常用獨  
木小舟架渡極險

佈邕水在司治西南一百二十里平地有穴濶數  
丈水由地出初視極澄清可鑒眉髮移時混濁如  
血久之漸變如米色一日色凡三變流數武滙入

### 佈敬潭

佈敬潭在司西南一百二十里潭濶過於佈邕淵  
深莫測水從潭底仰出清澈多魚觀者必誠心默  
祝一時浮躍水面如梭歷歷可數水由順山東注  
武緣縣河潭側田疇賴其灌溉

### 古零土司

龍角雙峯山在司治東北二里兩山峙立尖峯突  
兀狀如龍角山下有古零堡土官岑瑛壘石爲垣  
基址存焉

虎頭山在司南三里山高聳起伏蹲踞儼若虎形  
山頂有寨名曰金剛亦岑瑛建



紗帽山在司北三里獨立無附勢干雲霄後高前低有類紗帽故名

下勞山在司治左

敦旺巖在司治後偏西四里

荔水巖在司治左偏北二里

司前水自上林界山下湧出迂繞司左由紗帽山後下注入下遠潭溪澗盈尺亢旱則涸土民常於溪內掘地聚水汲之

下遠潭在司治後潭澗數丈其水碧澄清澈合司前之水穿入刁律隘山根

泗城府

凌雲山在府治北極高峻

迎暉山在府西北山勢朝陽故名

餞暘山在府西山形端雅如餞納日

蓮花峯在府北羣峯團簇登高遠望諸山皆培塿

靈洞在府北崖谷深廣溪出洞中夏可避暑

紅水江自西隆流入府界又東北經那地東蘭二州入都陽安定司界

澄碧水在府西繞南流注於汾州橋

龍淵水在府北舊圖志在府南一百五十里有神物踞之

西隆州



三台山州署倚之三峯蟬聯聳峙因名

大雅山文廟倚之

砦雄山守備署倚之

堪達山在州治西二百五十里渾河繞其下

堪樓山在本州甲西南高聳矗天上下三十餘里

風箱嶺在古障甲距州三百五十里嶺上一石形

似風箱故名

渾水河即紅水源自雲南陸涼州來西南入州境

逶迤而東北經巴結甲南繞那貢寨北至堪達山

下板堪塘入剝弼甲流出府界百樂寨

清水河源自雲南維摩州至本州堪達山之北灌

入渾水河

同舍河源自雲南廣南馬別山流出至本州土黃

甲同舍寨之東南流入西林縣界即馱娘江上流

隴高水源自革長甲內山中流出遶扁牙寨東北

合渾水河

西林縣

交椅山在縣治後三里

獨旺山在縣南四十里中峯尖聳石壁峭絕

木龍山在縣西南一百五十里廣南交界

界亭山在縣西北一百二十里西隆州分界

大山在縣東北二百三十里與府分界



晚架山在縣南二十里

潺邑山在縣東南二百里羣峯疊聳茂林幽蔚石巖有泉

累峯山在縣東二百里平布二十餘里

樣山在縣東二百四十里與府界

夾山在縣東南二百四十里與田州及廣南府連界

端峯山在縣治前五里秀峯端拱邑之麗山

豈猫嶺縣西北八十里巉巖峭壁行半日始抵其巔俯覽羣峯皆如小阜煙霧常蔽片雲卽雨高處一石穴流泉有聲曲折瀉落居民耕食咸賴之

蒼嶺在縣東二百里舊日土官曾築土寨今遺址猶存

黃坭坡在縣北一百五十里少木石土色皆黃府及西隆俱分界

馱娘江在縣西北發源西隆流入境內與淥馱河合流而東至瓦村隘轉南直至田州百色兩岸俱懸崖峭壁中流二大石屹然相峙名曰鉗牙石縫僅二三尺獨木小舟從中穿過水勢絕險陰雨江漲卽不可渡

馱悶江源自廣南與淥馱河合流

淥馱河源自廣南出繞縣側至豈角墟與馱娘江



合

直隸鬱林州

寒山在城西北三十里九域志云越王佗夏月遣人入山採橘十日方回問之曰山中大寒不得歸因名山頂建廟有飛來石上書感應龍王四字神姓張能興雲雨旱禱輒應歷代皆賜封號

大容山在城東北五十里峯巒層疊高聳接天界容潯諸境州治發龍於此

榜山在城東北三十里

信石山在城南二里一名牢石坡上有夾石形如側鐘每歲候此石若雲氣覆之歲豐稔

綠鴨山在城西北三十五里厥土青黃冶者取以煉鐵

西山在城西四十里其形如樓臺鼓角壤接博白及廣東之廉州

羅漣山在城西三十里石上有巨人跡

銅鼓山在城西六十里近南流江有銅鼓聲聞於下

天門山在城東三十里卽天門關

荔枝山在城東南二十里爲州治屏障

鳳凰山在城東十里

登高山在城北五十里



青南山在城西北五十里

凌烟峯在城東二十里獨聳諸峯兩巖中通一望  
寥廓

豸堂嶺在城北一里其形如豸上建真武廟

伏牛嶺在城西五十里狀如牛

獅子嶺在城東十五里又東北十五里有龜嶺

推來嶺在城西二十里

五岡嶺在城西三十五里五峯並峙爲文筆

兩道嶺在州南十里其峯峭削路分博陸

流山嶺在州北五十里爲一州險要

東門嶺在城東一里嶺旁建東嶽廟

水月巖州東南三十里虛明爽豁如琅玕倒垂澗

水出巖中澎湃有聲循澗入洞遊必列炬跨木渡

水石勢益奇聯絡二十八洞最爲佳勝

張道巖在城西北三十里又西南爲隱仙巖

白石洞在城東三十里周圍七十里道書二十一

洞天

天馬洞在州南二十里兩首昂然對峙石多馬蹄  
跡深入二三寸許

釣天洞與天馬相連分上下二界上界軒豁可布

十筵下界臨潭水有石垂垂扣之鏗然清越鐘磬

龍頭石在州前宣化坊內



南流江在州左源出大容山會綠鴨水西南流十餘里經羅望入定川歷博白合馬頭江至廉州入海

羅望江又作西望江在州右源出大容山遶州北西流十餘里會南流入海

鴨橋江州西北三十里源出綠鴨山入南流江

定川江在州西南二十里源出興業葵山入南流江

橋麗江源出陸川馬坡入南流江

沙田江州南四十里源出博白綠澄崗入南流江

五龍潭在州南三里水深如靛石壁鐫有佛龍神

### 三字

遊魚洲在南流江中近紫泉俗識曰遊魚到瑞泉鬱林出狀元

西甌池在州治西晨曉多烟氣上升相傳舊有蛟出池中

紫泉在州南南流之濱舊名濯纓有巨石伏羣石間水從石竅湧出四時不竭宋嘉定間忽湧紫水因改紫泉又名瑞泉明洪武永樂間紫水再出賓興歲以水出紅泉之數爲驗合若符契

七星井形如北斗

博白縣



廣西通志 卷一  
凝霧山在城東二十五里山勢屹立晨夕雲霧興頂

宴石山在城西南六十里山背盤石峭立下臨大江中有流泉相傳南越王宴游處

八將山在縣東一百三十里八峯攢立有颯爽之狀

鳳飛山在縣東北一百三十里與八將山隔江而峙形如飛鳳

衛公山在城東十里崔嵬聳立爲一邑鎮舊有靈應侯壇歲旱祈禱地今惟址存焉

鳳凰山在縣北九十里舊志傳宋時有鳳見此

飛雲山在縣西六十里山峯峻聳時見雲彩流結有扶祿王壇

伏割山在縣城西四十里舊嘗產鸚鵡孔雀近山有伏割村因名

萬祿山在城西二十里有顯應侯壇

蟠龍山在縣南八十里山峯綿亘層次蟠矯如龍乳石山在縣城南三十里巖中石乳垂如華蓋下有流泉

九岐山在縣南七十里廻巒疊嶂分爲九峯

綠羅山在城西二十里下有綠珠井并祠相傳卽梁氏故宅



雙角山縣西十五里二峯角立高峻秀麗上有富林侯壇下有金谷園相傳晉石崇曾經其地一水流合容江人呼爲綠珠江

射寮山在縣南二十五里高出雲表有應天侯壇旱禱輒應

洞房山在縣東十五里下有石洞玲瓏深邃如室宋劉子羽寓此

天馬山在縣西南二十里邑南鎮山

大荒山在縣南一百五十里周圍四十五里上有池相傳有魚曰婢妾如人形生兩翼臍下垂練帶長三四尺搖動有光

木樸山在縣西七十里山勢險峻

凌青山在縣城東南五十里

射丰山在城南五里又八十里爲射孚山皆高峻

雲流山在城東三十里有泉穴爲小白江源

金魚山在縣城南四十里

陵山在縣南三十里下有井水常溫

登高嶺在城東二里九日士民登高之地下有井泉春時官長常於此勸農故又名勸農嶺

將軍嶺在城西北二里宋狄青討儂智高曾駐軍嶺畔故名

綠秀嶺在縣東南三十里山勢高廣下有龍潭舊



建龍母廟旱禱輒應

紫陽巖在縣南六十里巖洞清虛上連碧落下瞰  
清泉南漢劉崇遠所鑄鐵佛像銅鐘古碑存焉  
石鐘巖在縣東二十五里巖如室上圓下方懸乳  
若鐘狀扣之有聲

將軍崗在縣南三十里石門三重入崗數武有石  
室石田一石如伏龍狀二泉溫涼分兩派石壁刻  
南州太守領將軍龐孝泰十字

綠澄崗在縣城北四十里

獅子石在縣南六十里平地拔起如獅子

雞距石在縣城東南三十里山皆石板上有跡如

雞距

馬踏石在縣西七十里石上多馬蹄跡

南流江在縣城西二里詳前鬱林州

南立江在縣北三十里源出綠澄崗流經縣北四  
十里至南流江合流

綠淇江在城東十里源出洞房山入南流江

綠珠江在城西北七里源出綠羅山歸南流江合  
流

鴉山江在城南十五里源出凌青山水歸南流江  
合流

小白江在城東十里源出雲流山與南流江合



浪馬江在縣城西二十里源出木樸山流合頓穀江

飲馬江在城南一里源出登高嶺流經縣治西南畧塘江五里入南流江漢馬援南征於此飲馬故名

環玉江在縣南一里西流入南流江

浪醴江在縣西六十里源出尙流鄉匯諸水

洗馬江在城東一里源出白鴿埭西流入南流江

頓穀江在縣城西三十里源出飛雲山水歸南流

江合流

銅鼓潭在縣北二十里深十餘丈西岸石壁峭立

舊志漢時銅鼓浮水面響聲遠聞鄉人來觀久之復沉明弘治乙未邑人獲其一解送制府正德乙亥又得其一送縣今俱失

龍潭在綠秀嶺下有石穴

北戍灘在縣西南一百里馬門灘下唐咸通二年安南都護高駢平南詔師旋經此舟不可行命海門防遏使疏浚至今賴之

馬門灘南流江中勢如奔馬二石峙立有漢伏波廟

溫井卽湯井在城南三十里陵山下

文石井在縣治前相傳昔年邑市火井泉湧沸高



數尺邑人藉以滅火官司以聞封曰文石泉大王  
綠珠井在縣西十五里綠羅村舊志飲此水產女  
多麗色里人以美色無益遂以巨石填之鄒文仲  
有詩

北流縣

大容山在縣城北二十里詳前容縣

筆架山在東南二廂離城十里三峯聳峙狀如筆  
架因名

綠藍山在西北吉京里離城三十里乃大容山之  
東一支山也

雙威山在縣東南二百五十里思賀江源出其下

銅石山在縣東十五里層巒秀麗上有靈池中有  
石如鯉泉從魚口流出冬夏不竭舊產水銀硃砂  
金龜山在南二廂離城一里許高數仞山豐隆如  
龜形因名

花石山在縣西南二十里其嶺有石散布如花  
印巖山在縣東去城一里許四畔皆平中突一埠  
有紋如印

勾漏山縣東北十五里石峯千百皆矗立特起其  
巖穴勾曲穿漏故以名山又嘗以名縣道書爲二  
十二洞天葛洪求爲勾漏令修煉於此

會靈臺山在縣東二十五里臺高百餘丈峩峩峻



險由絕壁攀援而上元至元四年縣尹陳楠建亭於山巔有飛泉貫崖而下東有龍井遇旱祈雨多應

望夫山在東坡地離城十里

天門山在西二廂離城十里

白雲巖在縣東北十五里巖中有佛像題咏

普照巖在勾漏山如覆釜登巖却顧黃坡翠巘與石峯相間燦若幡幢交錯翻翻欲動

獨秀巖在普照巖西洞宏邃石室廣高六丈乳石掛壁有彌陀大士像

通津巖在縣南埧鄉有清溪自南而入從北流出

石山對峙如門故曰通津

會僊巖在東小二里離城二十里

勾漏洞勾漏山洞有十所曰靈寶曰寶圭曰白沙曰玉虛曰韜真曰普照曰獨秀曰玉田曰金龜或斷或連皆幽奇怪異迥出人寰洞前有小亭俯瞰橫塘倚欄四顧列峯迴環秉燭而入有丹竈床几盤甕碾臼皆石乳天然凝結塘前水草間產葛仙米夏月可採而食

白沙洞勾漏山秉燭從竇入凡經六七竇行里餘乃至勾漏奇甲天下此爲第一

玉虛洞在勾漏山洞中物象皆瑩潔如玉每雲從



廣西通志 卷一  
洞出則雨風從洞入則霽舊名念經窟觀衝洞吳元美改今名

玉田洞在韜真觀西洞闢三門中門明廣可入其中田數畝有石花如玉色田後二石池中有小嶼水潛通江

景星石在寶圭洞山巔孔穿望之如星

雙女石在縣東二十里銅石山旁舊志宋初有縣民生二女性孝謹春月養蠶嘗以一女奴相隨採桑里有來議親者則愠怒旣而父母以其年長密以許聘里人二女知之詰朝沐浴更衣托採桑爲名登山立化爲二石人其母往觀之女奴猶立二

石傍云

穿鏡石在縣西十里空圓如鏡故名

鵝公石又名峩石山在縣南八十里近水北一山對峙爲鵝母石形皆類鵝因名

綠藍江在縣城東源出綠藍山分二派西派至冲龍里由平安江達廉州入海東南派經落桑橋入繡江

思賀江發源雙威山下流合香墟經縣西南入繡江

圭江源出大雲嶺經羅皂出大坐坪至定良村會思賀水合香墟水香墟有三源一自石鼓嶺經安



樂垌出雞兒坡一自那樓山出南緣一自天塘山  
出充隆三水合流至縣城西南是爲圭江之水又  
登龍橋水在黃嶺山發源順至城西遶城北經通  
仙橋出廣濟橋合圭江水又落桑橋水由烏巢山  
發源乃大容山之東流經冲龍里中村至大里村  
合都隴里水俱出落桑江會圭江由容藤而至大  
江又有平安橋水去縣西北三十里乃大容山之  
西流入平安江經茂林橋合鬱林博白諸水達合  
浦縣入大海

葛洪井在勾漏山相傳葛洪於此洗藥久湮惟石  
盤石柱尙存

聖水井在靈寶觀內其水甘冽一名文石井  
陸川縣

鳴石山在縣西十里一名石鼓山一名天馬山山  
形聳峻如馬半山一石擊之其聲清越寰宇記載  
董奉仙後有人見於陸川鳴石山中卽此

白羊山在縣東北二十里山多白石四面孤懸上  
有飛泉下產勾芒木土人取木皮績爲布

大這山在城東南三十里高峻通化州

石湖山在縣西北二十里一名石袍山高數十丈  
巉巖峭壁上有一池澄清而深雨後山色晶瑩望  
似積雪



文龍山在城東十里下有小溪水流遶城市  
石羊山在縣西南三十里小石碁布伏如羣羊  
荔枝山城北四里有荔枝林芳翠襲人夏月可避  
暑

三台山在縣南一里峯列如三台向學宮

金坑山在縣東南十里下有溪流不絕沙黃如金山頂建金華寺

文黎山在縣南五十里

後陽山在城北一里綿亘起伏爲一邑之勝山下有報恩寺元妙觀今廢

分水山在縣北五里山下有二水一順流十里至

縣城東一返流十里合米場河流入鬱林州界

鳳凰山在城西十里似鳳凰翔舞故名山頂有石盤泉出其中

謝仙山在縣東三十里分列八峯山頂一潭鯉魚盈尺山中多產四時果實世傳謝仙得道於此雙流山在縣西南二十里

六穿山在城北十里一石壁立如碑上穿六孔故名

黃箭山在縣城東北六十里

東山在城東三里喬木蒼鬱邑人龐穎曾構亭其上



大水山在縣東南四十里山勢延袤直接平南藤縣界

伏波山在縣西南四十里

馬旭山在縣城東南三十五里

鶴垌山在縣城南三十里

石山在縣城北四十里

簫韶山在縣西北四十五里

路崗山在縣西北四十里

大挾山在縣西南七十里

繁龍山在縣西南六十五里

雙角峯在縣南三十里又名雙峯山

奎嶺在城北龐姓建書樓於半山號聚奎齋因以名嶺

黃嶺在縣西北四十五里

登高嶺在縣東北四十里有泉出其下合廻龍黃箭諸水

由子嶺在縣北五十三里

妙洞巖城東八里一名東山巖又名瀑布山高三十丈中有一線南流合妙洞水

水車江在縣南二十里源出金坑山合縣前河入海

廻龍江在城北十五里合黃箭登高二水流經米



場出馬坡入鬱林下廉州入海

下浪江在縣西四十里源出白子嶺流入博白縣界

龍化江在縣南五十里合平南水通伏波灘下石城縣入海

妙洞江在縣南一里源出妙洞巖

路崗江在縣城西北四十里出鬱林州

崑崙水在縣城東三十里源出謝仙山合六潭水入北流江中有石似崑崙故名之

六潭水在城東二十五里源出謝仙山合崑崙水入北流江

平南水在縣南三十五里

黃箭水在縣北二十里源出黃箭山流合迴龍登高二水入鬱林州

分水出分水山仙靈宅窟也

伏波灘在縣城南四十里岸左有伏波廟卽烏江下流

靈泉在城西南五十里石竇午時出泉時過卽止

溫泉井在妙洞水旁泉自石竇中出四時溫熱冬亦可浴舊構有亭爲邑士夫遊觀之所今廢

興業縣

葵山在縣北十里峯巒秀拔山半有巖雜樹交翳



煙雲恒集其上有龍井世傳邑人蕭某者於此修煉得道後爲洞庭湖主云

三台山在縣西五里三峯聯屬秀拔莫倫

北斗山在縣北十里七峯綴峙形似北斗故名

東斗山在縣東十里與北斗山相對

鐵城山在縣南十里其色如鐵中平行外石壁險固如城上多石竇泉流不涸三面無路惟東有路可通人行門前石上有二牛跡宛然南有基約四丈名敵樓傳古避兵處

綠陰山又名甌山在縣南二十里喬木凌空下遶清泉

文筆山在縣西南二里山勢挺出如卓筆狀

萬石山在城西南峯巒錯落如累石然

荀翁山在縣東二十里樹木叢蒙

翻車嶺在縣北二十五里羊腸徑折險峻難行

白馬嶺在城北一里

黃嶺在城東南十里高數萬丈

白馬巖在縣西二十里常有白雲覆頂遠望若馬形內深廣有小洞隙光透天如窓牖下有泉出

太上巖在縣南十里層崖邃穴有水可汲內供老君像有石筍若人形一石曰無鑿痕巖上多古木參差類屏障青翠不彫



古州巖在縣南二十里巖半有潭四時不竭東折一洞有石懸下如鐘扣之鏗然

石掩巖在縣西南四十里上有巖石狀若浮屠前有石掩之若扉闔不可入世傳藏仙丹圖籙之所人欲啓之石動欲墮遂止

吐華巖在縣西南三十里內外二洞相通深潭清澈魚遊如織洞有石鼓擊之響應

牛隴巖在縣南十里中可容百牛居民冬時常驅牛入巖以避寒氣

黃桑峽在縣西三十里嶺嶂遼遠界廣東靈山縣龍穿江在縣西十里源出葵山東南流二十里由

山下石穴中過傳有龍穿其山水因通焉流經縣東入鬱林定川江

上鳴水江在縣北十里橫石灘源出葵山合流龍母江共二十里

下鳴水江在縣東二十里縣境諸水匯流巨石突起橫距西岸灘瀨飛激聲若雷世傳科試之年中有沙嶼浮起卽有中式者

龍母江自上鳴水漸折而西繞縣北翻車嶺下兩崖森翳一水流旋西北經九十里入貴縣將軍江通津江在南門外卽新江明知縣吳日乙開通濟江在東門外源出葵山合流於鳴水江



馬山江在縣南八里自龍穿江分流而來與下鳴水合

慕思江在縣東北五里南流入通濟江

岑江亦作清江發源葵山東流經縣東曰通濟江

滙慕思江水繞縣東南分二流一經城南西入龍

穿江曰通津江一西南流經縣南八里曰岑江亦

流截龍穿江西南入廣東廉州府界

古州潭在縣南八里石巖下澄澈可鑒

蛟龍潭在縣西三十里相傳石巖中有蛟龍盤蟄

四時陰靄

博泉在縣南二十里南漢封其神曰龍母夫人宋

熙寧中封濟惠夫人有廟

龍灣在縣東十里深澄不測滙下鳴水

石井在城西井泉清甘石澗屈曲中可流觴

玉井縣北十里塘山村前水清冽昔傳晉葛洪爲

勾漏令望井中紫氣知有丹砂採之而去